



60

70

1

2

3

4

5

6

7

8

9

80

1

2

3

4

5

C 40-4814

了翁上座請大藏及有  
家書置之武州紫雲山  
我微笑塔院直府中永  
為學者不敢許出喉內  
當山二世鐵牛機謹誌



B 64853

大方廣佛華嚴經普賢行願品別行疏并鈔卷第四  
勅太原府大崇福寺沙門 澄觀 按別行疏  
圭峯草堂寺沙門 宗密 述隨疏鈔

△疏第四懺除業障三牒名

復次善男子言懺除業障者

懺者梵音具云懺摩此云悔過△若別說者懺名陳  
露先罪悔名改往修來△鈔懺摩此云悔過者據此  
解則翻懺爲悔也若別說者下卽同大經疏鈔中半  
梵半唐釋也謂懺摩是梵語此翻云請忍悔是唐言  
體卽百法中惡作也狀先過失故謂請三寶忍受悔

60 1 2 3 4 5 6 7 8 9 10

1 2 3 4 5 6 7 8 9 10

1 2 3 4 5 6 7 8 9 10

撰述

吉屋系多原上口ヨリイ直金タリ

過然此一向厭罪定是善法不同彼是不定所攝若準佛名經則懺是懺謝之名悔以悔責爲義若相部律疏解則典善罰惡爲懺追變往愆爲悔也△疏除惡業障成淨戒善△是故文中偏名懺業△實則三障四障無不皆懺○鈔除惡業障至懺業者此卽懺意及懺益也然準小乘宗及大乘中事懺則所造惡業是現生後三報中時定或報不定遇緣可轉者爾乃得除如造重惡定在生報中受但報是可轉今懺悔上善之業必感善報亦在生時但善業強故奪惡不受以時定故同是一時故得相排以報不定一差

永差終卽不受若圓宗懺必須理事具足故一時清淨又懺業有三一伏業懺伏令不生二轉業懺願於今身常不入惡道受三滅業懺罪如暗室懺悔如燈不以暗多時能拒燈也於中一二事也第三理也又懺除罪與智斷惑對治品類不同謂懺與罪逆相伏要須敵對相當方能除遣若上品惡下品善心懺非敵對强者先牽故還要上品善方除上惡中下相對亦然若智斷惑卽不爾謂下智斷上惑上智斷下惑由麤惑障理淺還以鑒淺理之智遣之微惑障理深非勝智無以排斷若就防未起之罪則類斷惑謂

下品善心能防上品重罪。若下品惡微細難防。須要上品善心也。疏三障者。佛名經云。然其罪相雖復無量大而爲譖不出有三。一者煩惱。二者是業。三者果報。此三種障能障聖道。及以人天勝妙好事。是故經中目爲三障。所以諸佛菩薩教作餓悔。此三減者。則六根十惡乃至八萬四千塵勞皆悉清淨。又云。此三障者更相由藉。因煩惱故。以起惡業。惡業因緣故得苦果。是故今日先餓煩惱。然此煩惱諸佛菩薩入理聖人。種種呵責。銘此煩惱以爲怨家。能斷衆生慧命根故。亦銘此煩惱以爲劫賊。能劫衆生諸善法故。亦

銘此煩惱以爲瀑河。能漂衆生入於生死大苦海故。亦銘此煩惱以爲羈鎖。能繫衆生於生死獄不得出故。所以六道牽連。四生不絕。惡業無窮。苦果不息。當知皆是煩惱過患。次餓業障。總云。所以六道感報不同。當知皆是業力所作。別者先餓身三次。餓口四次。餘諸障次第而餓。言身二者。謂殺盜淫妄。言口四者。謂妄言兩舌惡口绮語。及意業三。謂貪慾瞋恚邪見。此三業十支能感當報。十惡業道。教有明文。若不餓除輪回難止。如十地品云。十不善業道上者地獄因。中者畜生因。下者餓鬼因。於中殺生之罪能令衆生墮

60 1 2 3 4 5 6 7 8 9 70

1 2 3 4 5 6 7 8 9 80

撰述

於地獄畜生餓鬼。若生人中得二種果報。一者短命。二者多病。偷盜之罪亦令衆生墮三惡道。若生人中得二種果報。一者貧窮。二者共財不得自在。邪淫之罪亦令衆生墮三惡道。若生人中得二種果報。一者妻不貞良。二者不得隨意眷屬。妄語之罪亦令衆生墮三惡道。若生人中得二種果報。一者常被誹謗。二者爲他所誑。兩舌之罪亦令衆生墮三惡道。若生人中得二種果報。一者眷屬乖離。二者親族弊惡。惡口之罪亦令衆生墮三惡道。若生人中得二種果報。二者常聞惡聲。二者言多諍訟。绮語之罪亦令衆生墮

三惡道。若生人中得二種果報。一者無人信受。二者語不明了。貪慾之罪亦令衆生墮三惡道。若生人中得二種果報。一者心不知足。二者多欲無厭。瞋恚之罪亦令衆生墮三惡道。若生人中得二種果報。一者常被他人求其長短。二者恒被他人之所憎害。邪見之罪亦令衆生墮三惡道。若生人中得二種果報。一者生邪見家。二者其心詣曲佛子。十不善業道能生此等無量無邊衆大苦聚。是故菩薩作如是念。我當遠離十不善道。以十善道爲法園苑。愛樂安住其中。亦勸他人令住其中。既報應若斯皆由業感。欲免所

60

1 2 3 4 5 6 7 8 9 70

1

2 3 4 5 6 7 8 9 80

1

撰述

吉光記不廣昌月旦正金方口

感之果先須斷却能感之因。是故須餓也。次餓業報。總云業報至時非空非海中。非入山石間。無有地方所脫之不受報。唯有懺悔力。乃能得除滅。何以故然。釋提洹因五衰相現。恐懼切心歸誠三寶。五衰相減。得延天年。善住亦爾。別者先餓地獄。次餓餓鬼。後餓畜生。初辯地獄者有八熱八寒近邊孤獨等。準俱舍論云等活等上六。那洛迦其次。則八熱地獄與欲界六天從下向上歲數壽量亦同。如人間五十年是四天王天一日夜。彼天還以三十日爲月十二月爲年。定壽五百歲始比等活地獄一日夜等活地獄乘此。

三十日爲月。十二月爲年。定壽五百歲。言等活者生死等故。彼地獄中業感兩角。獄主以刀劍割爲千段萬段。受苦死已。又撥聚一處。以鐵叉按云活活活罪人依前還活。又復治罰。如是受苦定經五百歲。又人間一百年。是忉利天一日夜。彼天還以三十日爲月十二月爲年。定壽一千歲。始等衆合地獄一日夜。衆合乘此三十日爲月十二月爲年。定壽一千歲。言衆合者罪人立在中心。四邊有衆山來合。罪人碎爲微塵。如是受苦滿一千歲。又人間二百年爲夜摩天。一日夜。彼天還以三十日爲月十二月爲年。定壽二千

撰述

西廣東省南陽府志第四

歲始等墨繩地獄。一日夜此地獄乘此三十日爲月。十二月爲年。定壽二千歲。言墨繩者如世間木作人。以墨繩端直。此罪人身作幾道。然後鐵葉夾以鋸解之。又人間四百年是兜率天。一日夜彼天以三十日爲月。十二月爲年。定壽四千歲。始比號叫地獄。一日夜彼地獄乘此三十日爲月。十二月爲年。定壽四千歲。又人間八百年等化樂天。一日夜化樂天還以三十日爲月。十二月爲年。定壽八千歲。始等大號叫地獄。一日夜彼地獄乘此三十日爲月。十二月爲年。定壽八千歲。又人間一千六百年等他化自在天。一

日夜彼天三十日爲月。十二月爲年。定壽一萬六千歲。始比炎熱地獄。一日夜彼地獄還以三十日爲月。十二月爲年。定壽一萬六千歲。又極炎熱地獄壽命半中劫。從人壽八萬四千歲時百年減一年減至十年歲時名半中劫。是極炎熱地獄壽量時也。余意此取地獄長處筹半中劫。若取人間半中劫者。則此地獄壽限却少如前炎熱大號叫地獄。思之思之。則兼後一中劫亦爾也。阿鼻地獄壽命一增減。名一中劫。從十歲百年增一年增至八萬四千歲。却從八萬四千歲百年減一年減至十歲。名一中劫。始是阿鼻地獄。

壽命也。言阿鼻者是梵語。此云無間。有五一作業無間。約治罰有情。二受報無間。約果說。三受苦無間。約楚痛說。四壽命無間。命不中夭。五身量無間。以身遍滿獄。此地獄東西南北上下各二萬由旬。烏門千仞。黑壁萬尋。上火徹下。下火徹上。造五逆十惡者墮此地獄。若依普賢行願力志誠懺悔皆得除滅。所以下文云。往昔由無智慧力。所造極惡五無間誦。此普賢大願王。一念速疾皆消滅。誦卽懺也。次入寒地獄者壽量更長。且第一按部陁地獄壽命不知其數。世尊指喻如摩竭提國一婆訶麻。卽二十石箠油麻滿中。

有人百年捻却一顆。捻盡二十石油麻。卽是地獄壽量。餘七地獄倍倍增數。八寒一庖形如瘡庖也。二庖裂。此二約立名。三蠱嘶沾。四唬唬凡。五嚇嚇凡。此三地獄立名。六青蓮花。此約罪人被大寒觸身。身變色如青蓮花也。七紅蓮花。入大紅蓮花。罪人被大寒苦觸身至極。猶如紅赤蓮花色也。上小乘解。若準大乘瑜伽論說。八寒壽量校入熱地獄次第減一半。謂第一寒校。第一熱一半。乃至第八寒校。第八熱一半。準此。四門外各有四箇地獄也。三近邊地獄者。入熱地獄。入寒却輕於入熱地獄也。三近邊地獄者。入熱地獄。罪人履下脚卽爛。舉足還生。如是多劫方出地獄。二

屍糞地獄。屍糞爲泥。齊膝已來。泥中有虫。号狼炬吒。長一尺餘。角白頭黑。口齒如錐。堅硬鋒利。罪人下足。總被食盡。舉足還生。如是受苦。罪卑方出。三鋒刃地獄。刀劍等刃以爲道路。下足千段萬段。舉足還生。受苦多劫。罪卑方出。四灰河地獄。沸熱灰汁滿河。或煎煮罪人。皮肉皆爛。更有鐵床。鐵狗。鐵蛇等吞啖。如是無量苦報。如餘處說。四孤獨地獄。處所不定。或山間樹下。曠野城隍等處也。準瑜伽論說。近邊地獄及孤獨地獄壽命不定。隨業短長也。次辨餓鬼者。輕重不同。有其九種。一炬口。謂於口中。常出猛炎火炬。二針

咽頭。腹如山。其咽如針。三髡口。謂於口中。如髡死屍。此三種永不得食。名無財鬼。四大瘦鬼。項中有瘦。以飢虛苦。故自手決破。取中膿血食啖。五針毛鬼。其毛如針。逆風行時。毛刺其身。出血而食。六髡毛鬼。嫌毛。髡故以手拔毛。出血自食。此三種少得飲食。名少財鬼。七得弃鬼。常得祭祀之食。入得失鬼。常得巷陌所遺之食。九多財鬼。或云雖得飲食。以業力故化爲膿血。常受是苦。此上諸鬼壽命以人間三十日爲彼一日夜。彼以三十日爲月。十二月爲年。具

足五百歲。卽俱舍論說也。有處鬼界壽命不定。極長者壽七萬歲。後辯畜生者謂飛者走者。居空居地。居水。其類繁廣。於中最有福德者。卽龍王。金翅鳥等。畜趣壽命不等。有極長者壽一中劫。如經說有龍王。住世一中劫。能持大地。如上三惡道報罪苦無量。旣預知者。固合遠避。志求善本。攝心在道。心若不住。緣諸惡法。當自責之。念老病死。甚爲切近。苦海波深。都無際畔。汝無始輪。渴苦惱萬端。今偶獲人身。幸逢佛法。不修白業。更造惡因。再落三塗。復受諸苦。如是悔責。攝心不亂。安住於普賢廣大行願。精勤修習。一切罪

報無不得免。故下經云。悉能破壞一切惡趣也。疏四障者。如隨好品所列業障。煩惱障。報障。見障。業報二障。約因果分異。煩惱及見於煩惱中。約利鈍分異。故成四也。又所知障。亦名見障也。△疏二釋相。然懺有二種。若犯遮罪。先當依教作法懺之。鈔釋相文中。二。一敘義。二釋文。初中三。一明作法事懺。二明起行理事懺。三廣明逆順用心懺。今初遮卽佛之遮制。違制成罪。性則法爾。犯之有罪。十重是性。餘皆遮也。準小乘宗四重八重不通懺悔。如斫頭破石等。僧殘已下四篇方許。故此但云遮罪也。相部律疏云。大乘滅

撰述

勸善錄卷之三

重者一理深藥妙。二對治行勝。三果勝。小乘理淺行劣。果非是妙。非是妙者但減輕也。作法者。小乘懺要請大比丘爲證。對大具五。一偏袒右肩。二右膝著地。三合掌殷重。四稱名說罪。五禮足。對小卽闕無禮足也。若僧殘罪。須請二十僧。令六夜行摩那埵供給。承事七日滿。僧爲羯磨除罪。還令戒淨。如本所受。尼則四十。若輕罪。卽一日承事。不必集僧也。若大乘作法。如下所明。△疏若犯性罪。復須起行。起行有二種。一事。二理。△事。如方等佛名經等通於萬行。△理。如淨名觀罪性空。不在內外等。○鈔若犯性罪下。二明起

行事理雙懺也。於中有二。一雙標事理。二廣釋事理。三雙結事理。二中二。一引佛名等經釋事懺。二引淨名經釋理懺。三引二經雙明理事。二懺。今初方等經令先嚴道場。香泥塗地。及室內作圓壇。彩畫懸五色幡。燒海岸香。然燈敷高座。請二十四尊像。多亦無妨。設諸餚餚。盡力用心。著新淨衣服鞋履。若無新淨。洗浴。初日供養。僧隨意多少。別請一明了。內外律者爲受二十四戒及陀羅尼。對師說罪。要八日至十五日。當以七日爲期。此不可減。若能更延。隨意任情。十日

期  
是明

橫述

三藏經卷第廿四

一

已還不得出此。俗人亦得須辦單縫三幅帳。佛前結界旋達一百二十匝。却坐思惟等廣如經說。佛名經者方等多期作法。亦兼起行。然惟事也。佛名多明起行少說作法。又兼理也。經云。夫欲餓悔。必須先敬三寶。所以然者。三寶即是衆生良友福田。若能歸敬者。滅無量罪。長無量福。能令行者離生死苦。得解脫樂。先當典七種心以爲方便。一者慚愧。二者恐怖。三者厭離。四者發菩提心。五者怨親平等。六者念報佛恩。七者觀罪性空。生如是等七種心已。緣想十方諸佛聖賢。擎拳合掌。披陳至禱。慙愧改革。疏理如淨名至。

内外等者。二引淨名釋理餓也。卽優波離章經云。佛告優波離。汝行詣維摩詰問疾。優波離白佛言。世尊我不堪任詣彼問疾。所以者何。憶念昔者有二比丘犯律行。以爲耻。不敢問佛來問我言。云。願解疑悔。得免斯咎。我卽爲其如法解說。時維摩詰來謂我言。唯優波離無重增此二比丘罪。當直除滅。勿擾其心。所以者何。彼罪性不在內。不在外。不在中間。如佛所說。心垢故衆生垢。心淨故衆生淨。心亦不在內外中間。如其心然。罪垢亦然。諸法亦然。不出於如。如優波離以心相得解脫時。寧有垢不我言不也。維摩詰言。

撰述

一切衆生心相無垢。亦復如是。唯優波離妄想是垢。無妄想是淨。顛倒是垢。無顛倒是淨。取我是垢。不取我是淨。諸法皆妄見。如夢如餞。如水中月。如鏡中像。以妄想生其知此者。是名奉律。其知此者。是名善解。於是二比丘言。上智哉。是優波離所不能及。持律之上而不能說。云時二比丘疑悔。卽除發阿耨多羅三藐三菩提心。云關中釋云。持律有一。法身性淨之律。二。陰身身口之律。今優波離持身口之律。見罪生滅壞法。身無相之律。故爲呵也。天台云。菩薩法三。戒門。依律法懺是。如前作法二功德門。謂禮佛誦經。

般舟方等道場是。如前方等經也三無生門。令悟罪性空。是卽此段也問。若見罪無性。卽罪滅者。亦可見福無性時。福亦應滅。關鍵見實罪滅中答云。不也。罪違無性。見無性時。罪卽滅。福順無性。見無性時。福不滅。何者。罪對無性。無性是能生。福是所生。故見無性時。罪卽滅。福對無性。無性是能生。福是所生。故見無性時。福廣大。也。以能生見前故。故金剛經云。無住相布施。福德如虛空等。△普賢觀經及隨好品具二種懺。△觀經中明晝夜精勤禮十方佛。卽是事懺。△觀心無心從顛倒想起。若欲懺悔者。端坐念實相。斯則理懺。○鈔音

賢觀經下二引二經雙明二餓於中二一雙標二經具二餓二各別引文證成文中又二一引普賢觀經士引隨好品今初也此經令晝夜六時對十方佛普賢菩薩遍餓六根卽事也後令觀心如疏卽理也今常用者一切業障海皆從妄想生若欲餓悔者端坐念實相理也衆罪如霜露慧日能消除通明一餓之功用也是故應至心勤餓六根罪事也卽此經後總偈也皆事理雙明△隨好品中等衆生界善身語意業悔除諸障卽是事餓△觀諸業性非十方來止住於心從顛倒生無有住處等卽是理餓○鈔隨好下引隨好品

也此品經文歎隨好功德明佛爲菩薩時足下有隨好放光炤億那由他佛刹微塵數諸世界阿鼻衆生遇之生兜率天天鼓發聲令彼餓悔文有四段一令發阿耨菩提心爲餓行之本二令淨三業爲能餓體三明所滅之罪卽列四障前已具引四正明餓相卽今疏引具足文云以盡法界衆生數等身以盡法界衆生數等頭以盡法界衆生數等舌以盡法界衆生數等身業語業意業悔除所有諸障過惡旣運三業而餓卽當事也然是全理之事以皆云盡法界等故疏觀諸業性至理餓者連次經云時諸天子生大歡

撰述

卷之三

三

喜而問之言云何餽除一切過惡者意明理餽爲用也天鼓告言菩薩知諸業不從東方來不從南方來不從西方北方四維上下來而共積集止住於心非有體從十方來顯空義也但從顛倒生無有住處所以菩薩如是決定明見無有疑惑上皆別觀業空也業爲報障親因也後有經文對業觀報云諸天子如有頗梨鏡名爲能炤清淨鑒徹與十方世界其量正等諸國土中一切山川一切衆生所有影像皆於中現彼諸影像可得說言來入鏡中從鏡去否答言不也諸天子一切諸業亦復如是雖能出生諸業果報無來無去喻雖有而無也謂像

依鏡現像非去來報從業生何有來去△事餽除末理餽拔根○鈔事餽除末等者三雙結事理也因迷理而起惑業故理餽爲根源雙除之妙固不在言若難具者必須先訪善友令解理餽何者根拔枝存容漸枯朽若枝盡而根在千回斫而還生智者詳焉△若具足餽應須善達逆順十心○鈔若具足餽下三廣明逆順用心餽卽天台止觀第四所說也於中三十一總標二謂先下別釋三對別品料簡△疏謂先餽十種順生死心以爲所治一妄計人我起於身見二內具煩惱外遇惡緣我心增盛三內外既具滅善心

事不喜他善。四縱恣三業無惡不爲。五事雖不廣惡心偏布。六惡心相續晝夜不斷。七覆諱過失不欲人知。八虧尾抵突不畏惡道尤無慙無愧。不懼凡聖。十撥無因果作一闡提。△從無始來若自及他無不皆爾。鈔二中二。一明所治順生死十心。二明能治逆生死十心。今初也。一妄計人我起於身見者。從無始來顛倒昏迷煩惱所醉妄計人我故起於身見既執認四大爲自身相。卽不了是虛幻常生愛著欲以潤之。因茲造諸過失也。二由內具煩惱外值惡友。扇惑我心倍加隆盛。三內外惡緣旣具。能內滅善心外滅

善事故於他善都無隨喜。四不喜他善則樂惡也。五如好獵者於萬般禽獸總帶殺心。慳貪之者舉世資財無一不要。事未必遂而心必然也。六前橫此豎。七纏修一善則表白再三。積歲過非未曾上紙也。八虧尾虧者掠也。麤也。虧者跋扈皆是不尊敬之兒也。九無慚無愧者謂不顧自法輕拒賢善目爲無慙謂於自法無所顧者輕拒賢善不耻過惡能障礙慚。生長諸惡故以爲名。不顧世間崇重暴惡名爲無愧。謂於世間無所顧者崇重暴惡不耻過罪能障礙愧。生長諸惡故以爲名。十撥無因果作一闡提言一闡提者

是梵語。具足應云。一顛底迦。此云斷善根。莊嚴論說。闡提有二。一時邊卽暫時也。以斷善根故。無暫時入圓寂之法。二畢竟闡提。卽畢竟無有入涅槃法。斷善根已。又處惡道。若得人身值遇善友。但以人天善根而成熟之。正是五性宗中無種性有情也。二從無始下結顯生皆具。謂諸有情與此十種順生死流相應。昏倒造惡。如廁蟲樂廁。不覺不知。積集重累。不可稱計。四重五逆極惡闡提。生死浩然而無際畔。但是凡流總皆如是。故疏云。若自及他無不皆爾。△次起十種逆生死心。從後翻破。一明信因果。二自愧克責。三

怖畏惡道。四不覆瑕玼。五斷相續心。六發菩提心。七修功補過。八守護正法。九念十方佛。十觀罪性空。○鈔二次起下。顯能治逆生死十心也。有二疏次起下初標也。彼云。今欲懺悔。應當逆此罪流。用十種心。翻除惡法。次釋。一明信因果者。謂先須分明白信有因果。決定屏然。業種雖久。久不敗亡。所以經云。假使滿百劫所作業不亡。因緣會遇時果報還自受。終無自作他人受果。精識善惡。不生疑惑。是爲深信。翻破第十部惡罪人。無羞無耻。習畜生法。弃捨白淨。天見我屏作一闡提心也。二自愧克責者。若欲放逸。當自責之。

一撰述

聖經新舊約全書

卷之二

處造罪是故漸天人見我顯處造罪是故愧人。以自翻破第九無慚無愧心三怖畏惡道者行者當自思惟人命無常過於轉燭一息不還千載長往幽途綿邈無有資糧苦海波深船筏安寄聖賢呵責無所恃怙年事稍去風力不奢豈可安然坐待酸痛又佛名經云若不餓悔者大命將盡地獄惡相皆現在前當爾之時悔懼交至不預修善悔何及乎當爾之時欲求一禮一餓豈可更得衆等莫自恃盛年財寶勢力放逸自恣死苦一至不令人知盛年壯色無得免者怖心起時如履湯火六塵五欲不暇貪染如佛滅度

一百年後波吒梨城有王名阿輸柯亦名阿育此云無憂位當鐵輪深信佛法毀諸外道集佛舍利遍闇浮提中起八萬四千寶塔設廣大會供養阿羅漢三十萬餘有學聖人數復倍此精進凡夫無量無數其諸所作不可稱計其王有弟名毘多輸此云除憂深著邪見見諸外道梵志於山林中修諸苦行五熱炙身等便生仰敬復問梵志汝起煩惱不梵志答云我見諸染境時內發欲火燒我身心王弟聞已心生疑惑如此苦行尚起情欲佛之弟子常修樂行何能於欲生厭離耶又言釋迦弟子誰阿育王令作功德後王聞已爲

愍弟故遂設方便語大臣言我弟於外道生信當以方便令其得入佛法中大臣答言作何方便王言我今洗浴入彼浴室應脫天冠及衣服等汝當以我服飾莊嚴我弟令登王座臣依王教王入浴室已其大臣等語王弟言若阿育王無後汝當作王今者試戴天冠被天衣服及登王座語已卽便與著令登王座大臣令登王座已密往白王王出見弟戴冠登座王語弟言我今未滅汝已作王卽命行殺之人身著青衣披髮執鉞至王王語殺者云我捨此弟汝可殺之是時便有多人執法器仗而圍繞之大臣白王言是

王親弟願王息怒捨過王言緣是我弟於七日中暫與國事令其作王待七日滿卽當殺之卽以種種伎樂及諸妓女供給侍衛一切臣民皆往問訊行殺之人執刀門立自日白王今一日已過六日當死如是乃至六日已過餘一日在至第七日竟大臣諸人將王弟共往阿育王所王問弟言汝七日爲王百種伎樂皆恣汝意無數衆人日日問訊呴願於汝汝好見聞否弟答云我爲畏死心怖懼故都不見聞復以偈答

標述

聖經新約全書

卷八

我身莊嚴具及諸妓女等。思惟懼死故不知如此事。伎女歌舞聲宮殿及卧具。天地諸珍寶初無歡喜心。以見行殺者執刀在門立。又聞搖鈴聲。令我懷死畏。死鏗釘我心不知妙五欲既著畏死病不得安隱眠。思惟死將至不覺夜已過。

是時阿育王語其弟言汝於七日思畏死苦雖得上妙五欲而不生愛出家之人於十二入思惟無量生死無常云何而得起煩惱耶。又復思惟諸地獄苦及諸畜生更相殘害餓鬼飢渴衆苦所逼思惟人中四方馳走初無安樂思惟天上壞敗之苦如是五道身說偈言

心之苦無有樂處觀此五陰無常苦空無我不實譬如空村無有居民如是五陰皆空無我以無常火燒諸世間佛諸弟子常作此觀云何而得起煩惱耶復說偈言

汝於七日中思惟生死畏而無有歡樂不起貪愛心。佛諸弟子等日日觀生死云何觀歡樂而起煩惱心。於飲食衣服及以卧具等思惟解脫法而不起著心。觀身如怨家三有如火宅思惟何方便而得解脫之深樂解脫法不貪於五欲其心如蓮華處水而不著王以如是善巧方便教化其弟弟因回心合掌向王

撰述

言我於今者歸敬如來。及以法僧而說偈言。

我今歸依佛。佛面如蓮華。天人所歸依。無漏法及僧。  
 時王見弟回心歸向三寶心大歡喜。種種軟語安存  
 其弟。其弟因茲供養三寶。聽聞正法。後得悟已辭王  
 出家得羅漢果。謂此王弟於七日中。雖有五欲及諸  
 獄好之事爲怖。王故都不味著。唯專憂死。是故行者  
 功德資糧未辦。莫著五欲。怖懼當來惡道。如彼怖王。  
 如是方便調心。進求善本。以此翻破第八不畏惡道  
 也。四不覆瑕玼者。根露枝枯。源乾流竭。若覆藏罪是  
 不良人。迦葉頭陀令大衆中發露。方等令向一人發

露其餘行法。但以實心向佛像前。改革如隱處。有癱  
 若覆藏不治。則致於死。以此翻破第七覆藏罪心。五  
 斷相續心者。若餓已更作。如王法初犯得怒。更作則  
 重。初入道場罪則易滅。更作難除。已能吐了。云何再  
 咳。以此翻破第六惡心相續晝夜不斷。六發菩提心  
 者。謂菩提是所求果德。卽無上菩提心。是現在能求  
 之心。以發是求菩提之心。故名發菩提心也。或可菩  
 提名覺。卽覺察覺悟也。謂了諸煩惱過患。不起放逸。  
 達本心源慧光內燭也。以起是心。故名發菩提心也。昔  
 由不覺惡心遍布於一切境。起貪瞋癡。今起覺心焰

之則知一切境本空。卽不起過失也。又瑜伽論云。菩提心者。大悲爲體。成佛正因。智慧根本能破無明業報等。往昔爲無智慧故。遍惱有情。今有慧兼濟遍虛空界利益一切。發此心故。翻破前來第五一切處起惡心也。七修功補過者。昔因三業造諸過罪不計畫夜。今以善身口意策勵不休。匪移山岳。豈填溝壑。以此翻破第四縱恣三業心也。入守護正法者。此中分二。先釋所護。後明能護。言所護者。卽是正法。正法卽教理行果。俱名正法。教謂十二分教。理卽二空真如。及三性三無性等。言行者。總指萬行果。卽三乘聖果。

菩提涅槃。衆生流轉無有始終。蓋爲不護。當來果法。況二轉依。果理極真常。凡厥修行。必須堅護。將護果法。先須護行。果因行剋。故須護之。將欲護行。必須護其教理。若迷正理。其行必邪。理因教顯。故須護教。若有正理。憑教可尋。教法隳張。都無可託。故須護也。下明能護者。卽守護二字。守。卽是護。堅守正法。故名守護。然人能弘道。法假人傳。人在法存。人亡法滅。故須得人護也。此有其二。一內護。二外護。內謂三乘聖賢。出家內衆。皆能弘闡。皆能護持。外謂國王大臣等。然內衆但能弘教。護行無力匡持。外有王威方能護法。

撰述

五房錄卷之四

三

如仁王經說。佛告波斯匿王。我以是經不付比丘比丘尼優婆塞優婆夷。所以者何。無王威力。不能建立。是故汝等常當受持此令守正法者。爲昔自滅善。亦滅他善。不自隨喜。亦不喜他。令人守護諸善方便增廣。令不斷絕。勝鬘經云。守護正法。攝受正法。最爲第一。以此翻破第三無隨喜心也。九念十方佛者。昔因親狎惡友。信受其言。令念十方佛。念無等慈作。不請友。念無等智。信大導師。欲違生死之惡緣。須順菩提之正路。故須念佛。然念佛一門修行之要津。攝心之關鍵。因此畧明念佛之義。言念者。明記不忘爲義體。

卽是慧。今名念者。卽隣近彰名也。然念佛不同。總有四種。一稱名念。二觀像念。三觀想念。四實相念。且稱名念者。如文殊般若經云。復有一行三昧。若善男子。善女人。修是三昧者。速得佛菩提。欲入三昧應處空閑。捨諸亂意。不取相見。繫心一佛。專稱名字。隨佛方所。端坐正向。能於一佛念念相續。卽是念中能見去來。現在諸佛。念一佛功德無量無邊與。一切佛功德無二。如是盡知恒沙諸佛法界無差別相。阿難總持多聞辯才百千等分。不及其一等。二觀像念。謂觀如來塑畫等像。如大寶積經說。佛本因中。爲大精進菩

撰述

正法念處經卷第廿四

三

薩。因見比丘畫佛形像。發心出家。持畫毘像。入山觀察。觀察此畫像。不異如來成就。五通得普光三昧。見十方佛等。二觀想念於中有。二一明一相。於三十二相中隨觀。一相皆滅重罪。如觀佛三昧海經說。佛爲父王說白毫觀。但觀眉間白毫之相。右旋婉轉。猶如秋月。十稜成就。內外通明。如白琉璃筒。亦如暗夜中明星。觀成不成。皆滅九十億那由他。恒河沙微塵數劫生死重罪。常蒙攝授也。二明全身者。如坐禪三昧經云。若求佛道入禪。先當繫心念佛。生身莫念地水火風山樹草木天地萬類。及諸餘法。但念佛身處在虛空。如大海清時有金山王。相好圓滿。出無量清淨光明。於此虛空青色之中。常念佛身。便得十方三世諸佛悉在目前。若心餘緣還攝令住。除無量劫罪。四實相念。亦名法身。謂觀自身及一切法。真實自性。文殊般若云。不生不滅。不來不去。非名非相。是名爲佛。如自觀身實相。觀佛亦然等。又云。繫緣法界一相。是各一行三昧。又智度論云。不以色身及相好念。以佛身自無所有故。以無憶故。是爲念佛。又占察經云。思惟諸法平等法身。一切善根中。其業最勝。又大經云。一切諸佛身。唯是一法身。念一佛時。卽一切佛。此之

撰述

新編卷之四

四等各隨根器。從淺至深最後爲妙。以是濟要是故畧明於善友中最勝無過於佛。由是翻前順生死中第二外遇惡緣也。十觀罪性空者。如前理懺也。若不解此十心全不識是非云何懺悔。設入道場徒爲勞苦。涅槃經云。若言勤修苦行是大涅槃因緣者。無有是處。卽斯意也。△若具此者無罪不滅。△隨好品中具有能治。今文之中含有不具。○鈔隨好下對他品料簡也。言含有不具者。缺觀罪性空發菩提心二也。所以闕此者。以菩提心是十種行願之本。此修行願菩薩必先已發菩提心故。性空是緣起之體。行願必

是無性之緣起故。故此經文不更別標也。餘八有者如下文配。

△文二。一舉所懺。一一正舉。

菩薩自念我於過去無始劫中。由貪瞋癡。是惡業因。

△發身口意。

是造業具。三業十支。皆由三毒。

△作諸惡業。

卽是業體。有二三種。○鈔發身口意是造業具者。唯識論云。大乘三業皆思爲體。動身之思發語之思。及

思當體皆言業也。故知身等非卽是業。動身等思方  
名三業。故梵行品云。身。身業。語。語業。意。意業。行。相各  
別。身卽渾濁。是惡死屍蟲聚等也。身業卽行住坐卧  
屈伸俯仰等也。語卽風息吐納高低清濁。語業卽起  
居問訊讚歎毀說等。意卽覺觀思惟等。意業卽憂喜  
等。所以身等但是造業之具。如工巧之業。而錐刀等  
器不是業也。疏有二三種者。有兩般三種也。謂善惡  
不動是一般也。現報生報後報是一般也。△一善惡  
不動今唯取惡。△二現生後今通此三。○鈔善惡不  
動者。此三卽入六地中罪等三行也。彼經先說凡夫

執我常求有無次明三行之過。云。不正思惟。起於妄  
計。後辨三行體相。云罪行福行不動行。彼疏釋云。謂  
由迷異熟果愚違正信解。起感三塗惡業。及人天別  
報苦業。皆名罪行。由迷真實義愚不知三界皆苦。妄  
謂爲樂。起欲界業名福行。四禪淨業名不動行。故論  
云。真樂本有失而不知也。彼經罪福之行。卽此善惡  
之業。疏今唯取惡者。謂善不動。但以迷心取相求有  
者。故成過患。若離其病。不除其法。故此不懺。若惡業  
背理。一向須改。故此懺令減也。所以超公關鍵中明  
性起緣起不同。緣起法界通於善惡染淨。性起唯淨。

撰述

華嚴經疏卷第十一

三

釋性起文云。性者真如本性。起者起於諸法。諸法者謂善法也。善法順真。所以約性而顯。惡法違理是故下明也。問。上言性起。一切皆具。如何但約善說。答。以違順不同。親疎不等。故使言教有殊。何者。以善調柔還同於性。以性有力令所生之果似因非異。善既親從性生。是故名爲性起。惡法麤獷。既無明所熏。以屬疎故。故名緣起。以緣有力能令果法似緣不別。其猶穀芽假土生已。土肥芽肥。土瘦芽瘦。相狀容儀隨緣自類。終無改轉。因緣同時位別。親疎懸隔各殊。是故果屬因緣。故有不似也。由此諸義。故此經文但悔。

等三具善等三業現等三報也。言合九者前後不相捨離也。從三起者本由貪等三毒起也。

△二顯多。

無量無邊。若此惡業有體相者盡虛空界不能容受。顯其廣多也。以無形故不見相貌。有則溢空。○鈔無形至溢空者佛名經云。獨頭無明爲煩惱種。無始受身已來。經無量劫則劫不可數。一一劫中受種種身。則身不可數於一一身造種種業則業不可數。故此云若有體相者盡虛空界不可容受。據理而言。若懺此業清淨者所獲功德亦盡虛空界不能容受。以敵

對相翻。一卽真功德故。故婆沙論說懺悔功德云。此一念。若看形色者。大千世界不能容受。彼論但指一化之境。且以大千爲量。量雖通局意不勝此也。故以一念懺悔功德便與無量劫所造之業分量齊等。如一暗室中。須臾燈光之明。所遍分量便與此室千年之暗分量齊等。△此卽通說順流十心。

△二辯懺相二。一正釋其相。

我今悉以清淨三業。

明懺業具也。△昔因三業無惡不爲。今以三業一時齊懺。△謂虔恭胡跪。口陳辭句。

撰述

## △二明所對境

偏於法界

偏者畧有二意。一昔所造罪心事偏布故今懺悔亦須周偏。△二稱法性故何罪不除下正辯所對。

△極微塵刹一切諸佛菩薩衆前

卽念十方佛翻昔惡友。鈔卽念佛者指前第九心也。

△誠心懺悔。

簡不至心緩縱情慮罪不減故。鈔緩縱情慮罪不滅者佛名經云生如是七種心已緣想十方諸佛賢

聖擎拳合掌披陳至到慚愧改革舒歷心肝洗蕩腸胃如此懺者亦何罪而不減亦何障而不除若復不爾悠悠緩縱情慮徒自勞形事將何益。△懺悔卽舍自愧剋責怖畏惡道不覆瓊瑤。

△後不復造。

卽斷相續心。鈔卽斷者指前第五心。

△恒住淨戒一切功德。

卽修功補過匪移山岳豈填溝壑。鈔卽修功者指

前第七心。△總此懺者以明識因果善惡影響故亦卽守護正法。鈔明識因果者指前第一心疏亦卽

撰述

守護正法者。指前第八心智度論云。言正法滅者。謂修行滅。今意云。若不懺悔。卽修行滅。是不護正法。今懺悔業清淨。則修行不滅。爲守護正法也。

△三總結無盡。

如是虛空界盡衆生界盡衆生業盡衆生煩惱盡。我懺乃盡。而虛空界乃至衆生煩惱不可盡故。我此懺悔無有窮盡。念念相續無有間斷。身語意業無有疲厭。

△第五隨喜功德三。一牒名。

復次善男子。言隨喜功德者。

由昔不喜他善故。今隨喜爲慶悅彼。△除嫉妒障。起

平等善。○鈔第五隨喜行者。隨所見善而歡喜也。于住婆沙二云。所有布施福持戒修禪慧。從身口意生去來。今所有學習二乘人。具足一乘者。無量人天福皆可隨而歡喜。別果報中得大眷屬。翻嫉妒障故也。△然餘處隨喜在勸請後。謂先滌身器。次欣法雨。後攝他同已。向向三處。故爲此次。△今明隨喜是餓中別義。事勢相連故先明之。平等廣大方堪聞法。○鈔然餘至聞法者對十住婆沙料簡次第不同也。文中二初舉彼次之意。初兩句標次謂先滌下四句列一餓悔。二勸請。三隨喜。四回向。故爲此次者結成也。後今明

撰述

勸善錄卷第十一

三

下明此次之意。言懾中別義者。懾除嫉妒故。廣大者。

自他無二故。

△釋相文四。一喜如來善。

所有盡法界虛空界十方三世一切佛刹極微塵數諸佛如來。△從初發心爲一切智勤修福聚不惜身命。△經不可說不可說佛刹極微塵數劫。△一一劫中捨不可說不可說佛刹極微塵數頭目手足。如是一切難行苦行。△圓滿種種波羅密門。△證入種種菩薩智地。△成就諸佛無上菩提。

鈔從因至果爲一切智者爲智修福方是佛因。捨不

可至手足者舉內財之難尚捨則身外財可知也。如心地觀經說佛於往昔行難行苦行爲凡夫時作雪山童子爲求半偈弃捨全身薩埵王子捨身救虎爲六牙象王自投獵者作圓滿福智王施眼睛爲金色鹿王捨身求道作慈力王施五夜叉作莊嚴王施妻無吝爲最上身菩薩施頭目髓腦如是一切難行苦行等廣如菩薩本行經等說也。又法華經云觀三千大千世界乃至無有如芥子許非菩薩捨身命處言圓滿種種波羅密門者六度十度乃至八萬四千波羅密門也。諸度尚圓況檀那中豈不兼於內身乎。故

撰述

知上且偏舉難者也。證入種種菩薩智地者卽十地也。亦前明福此明智二嚴具備也。

△及般涅槃分布舍利。

○鈔遺形普濟言般涅槃古譯云入滅總有四種。如下所引此卽應滅謂衆生無感應盡還源大悲薰修分布舍利普使群情滅罪生福也。言分布舍利者如西域記說如來寂滅人天悲感盛七寶棺千氈纏身設香華建幡蓋末羅之衆奉舉發引前後道從北度連河盛滿香油積多香木縱火以焚二氈不燒爲諸衆生分散舍利唯有髮爪儼然無損八國之王備四兵至遣直性婆羅門謂拘尸力士曰天人導師此國寂滅故自遠來請分舍利力士曰如來涅槃甚爲苦事滅世間明導喪衆生慈父如來舍利自當供養徒疲道路終無得獲時諸大王遂辭以求旣不相允重謂之曰禮請不從兵威非遠直性婆羅門揚言曰念哉大悲世尊忍修福善彌歷曠劫想所具聞今欲相凌此非宜也今舍利在此當均八分各得供養何全興兵諸力士依其言卽時均量欲作八分帝釋謂諸王曰天當有分勿得力競阿那婆答多龍王文隣龍王鑿那鉢羅龍王復作是議言無遺我曹若以力者

撰述

衆非敵矣。直性婆羅門曰。勿喧諍也。宜共分之。卽作三分。一諸天。二龍王。三人間。入國重分。天龍人王。莫不悲感。人間天上各將歸於本處建塔供養。後因無憂王位當鐵輪。使諸鬼神分之。以爲八萬四千寶塔。大唐國內除佛牙外有十九塔。如是分布。皆爲利益。一切衆生。如無上依經說。若得如來身分。如芥子許。一瞻一禮。千返生於天梵天上。受諸快樂。廣如闍維經說。故云分布等也。

△所有善根。我皆隨喜。

△喜諸趣善。

及彼十方一切世界六趣四生一切種類所有功德。我皆隨喜。

鈔二明六趣四生善中言六趣者。趣謂趣向。求生者所趣向處也。言六者數義。一地獄。二畜生。三餓鬼。四修羅。五人。六天。言地獄者。以多在下故。故聖義名爲地獄。梵云那落迦。正理論云。那落云人。迦名爲惡。人多造惡。墮落其中。由是之故。名那落迦趣。即是增上苦處也。言畜生者。正理論云。傍生以傍行故。故以爲名。今言畜者。自人畜養攝不盡故。言餓鬼者。多希求故。又性多怯劣。形體瘦悴。故言阿修羅者。正云阿蘇

撰述

華嚴經序解卷之四

落。正理釋云。素落名天。是自在義。無天實德名阿素落。言人者心多增上慢。或多思慮。故名爲人。天者威德尊高。神用自在。名之爲天等也。四生者。如下自明。△三喜一乘善。十方三世一切聲聞及辟支佛。有學無學。所有功德。我皆隨喜。

鈔三明二乘善中言。聲聞者。聲謂聲教。因聞聲教悟四諦理。起七方便。謂五停心觀。別相念觀。總相念觀。嚮頂忍世第一。是爲七。經說資加二位道火現前。得入見道。斷三界四諦。下八十八使。分別惑盡。得須陀洹果次。斷三界九地。俱生四惑。謂貪瞋癡慢。上二界除瞋。三界共有十使。分九地斷。每地九品。共有八十。一品三界共斷。欲界九品。斷至五品。名一果向。第六品盡。名一來果。謂一往天上。一來人間。或反於此。斷下二品。名三果向。斷三品盡。名不還果。更不來於欲界。故次斷上二界。八地七十二品修惑。斷至七十一品。名阿羅漢向。斷七十二品盡。阿羅漢果。此上四果。皆因聞教。故總曰。聲聞。三果四向。皆名有學。阿羅漢果。名爲無學。此有三種。一。聲聞。聲聞。因果俱同。故二緣覺。聲聞。因是緣覺。果成聲聞。三菩薩。聲聞。因是菩

撰述

薩果成聲聞也。言及辟支佛者此云獨覺。獨一覺故亦名緣覺。從緣生覺故。此有二種。一麟喻。一部行。謂觀外物。因生覺解。自得道果。猶如麒麟。獨一角故。故名麟。喻出無佛世。以神通化物也。若部行者。卽因開解。生悟解無性。或於十二因緣作四諦觀。四十四智而得菩提。或因觀老死。推因審因。三世觀之。及一法住。共成七智。約十一支。作七十七智觀。而得菩提。名爲緣覺。唯一果向。名爲有學。辟支佛果。名爲無學。此有三種。一緣覺緣覺。因果俱同故。二聲聞緣覺。因是聲聞果成緣覺。三菩薩緣覺。因是菩薩果成緣覺。此

上二乘與佛如來同證解脫。有大功德。能與衆生作大福田。故令隨喜也。

△四喜菩薩善。

一切菩薩所修無量難行苦行。志求無上正等菩提。廣大功德。我皆隨喜。

△謂隨喜四類。以攝諸善。佛爲最勝。所以先明。餘之三類。從劣向勝。○鈔後校量勝德文中三。一會四類次第。勝劣合宜。佛爲下是。華嚴宗中詮法次第。例多如此。初發心時。便成正覺。直造最勝。然却從十住。乃至十地等覺。卽從劣漸勝也。意顯頓悟漸修之相也。

1 2 3 4 5 6 7 8 9 10 1 2 3 4 5 6 7 8 9 10

1 2 3 4 5 6 7 8 9 10 1 2 3 4 5 6 7 8 9 10

撰述

二顯自益深引他爲證。有二。初引大品經。△大品經中隨喜品。明大千海水一毛破爲百分。滴取海水。可知其數。隨喜之福不可知數。故結無盡等虛空界。△法華隨喜。展轉至於第五十人。尚難校量。何況最初。○鈔大品下經云。復次橋尸迦三千大千國土滿中海水。取一髮破爲百分。以一分髮滴取海水。可知滴數。是隨喜福終不可數知。故結無盡下指自當經益深也。二引法華證。卽第六卷中隨喜功德品第十八也。經云。爾時彌勒菩薩白佛言。世尊若有聞是法華隨喜者。得幾所福。佛答云。從會中聞隨喜。至於餘處。

轉說至第五十人。其第五十人聞已隨喜功德今當說之。若四百萬億阿僧祇世界六趣四生充滿其中。有人求福。一一衆生與閻浮提金銀七寶乃至象馬車乘奴婢人民宮殿樓閣等。如是布施。經八十年後。以佛法而訓導之。總令得四沙門果。是大施主所得功德寧爲多不。彌勒云。若是施主但施衆生一切樂具功德無量。何況能令得阿羅漢果。佛答云。如上功德不如是第五十人聞法華經一偈隨喜功德百分不及一。乃至筭數譬喻所不能知。何況最初於會中聞而隨喜者。其福復勝無量無邊阿僧祇不可得比。

撰述

祐既如此有廣大益。今此隨喜亦復如是。△此隨喜如來權實功德。故佛最勝。鈔三彰自所喜重明佛勝。此隨喜如來等者。卽簡異大品法華隨喜法也。言權實者。諸佛功德不出權實二位攝盡也。且通途論之。佛身及佛所修因行皆有權實。如佛三身中法報二身是實。變化身是權。又佛所證菩提涅槃亦通權實。法報二身菩提是實。化身菩提是權。又涅槃有三種。性淨圓淨涅槃是實。方便淨涅槃權假。此唯就佛所證果論。若約佛從凡至聖所起功用。自利利他門中亦有權實。且如凡夫初悟時。始自十信初心。終妙覺位於其中間。經不可說。不可說。佛刹極微塵數劫。施爲種種難行苦行。自利利他等。則權實俱有何以謂六度十度。有爲萬行。一一真修故。則是其實。若爲度衆生隨根誘接。亦有權假也。何以不施方便權巧。誘之彼難回故。若約示生王宮。從初發心踰城學道。種種苦行乃至樹下成大菩提說法利生等。則是權也。若言分布舍利者。唯是權假也。此意說從因至果。始終相收該羅本末。都來總指也。故經云。從初發心等。斯乃佛之功德。若深若淺。若實若權。凡所施爲皆難可測。唯佛與佛餘無知也。又況華嚴經所說真應。

覺位於其中間。經不可說。不可說。佛刹極微塵數劫。施爲種種難行苦行。自利利他等。則權實俱有何以謂六度十度。有爲萬行。一一真修故。則是其實。若爲度衆生隨根誘接。亦有權假也。何以不施方便權巧。誘之彼難回故。若約示生王宮。從初發心踰城學道。種種苦行乃至樹下成大菩提說法利生等。則是權也。若言分布舍利者。唯是權假也。此意說從因至果。始終相收該羅本末。都來總指也。故經云。從初發心等。斯乃佛之功德。若深若淺。若實若權。凡所施爲皆難可測。唯佛與佛餘無知也。又況華嚴經所說真應。

0 1 2 3 4 5 6 7 8 9

80 1 2 3 4 5 6 7 8 9

相卽分圓全收體用無礙者也。故宜佛爲最勝也。

△三總結無盡。

如是虛空界盡。衆生界盡。衆生業盡。衆生煩惱盡。我此隨喜無有窮盡。念念相續無有間斷。身語意業無有疲厭。

△第六請轉法輪三一牒名。

復次善男子。言請轉法輪者。

卽是勸請除謗法障。起慈善根。○鈔第六法輪行門中分三。先標名中畧明轉法輪義。通途要知。先明所轉法輪畧以八門分別。一釋名義。二辯體性。三種類。

四轉相。五分齊。六轉處。七轉時。八轉主。今初釋名義者。於中有二。一約所轉。二就能轉。且初言法者。軌持義。通教理。行果。輪者所成義。大小乘別。且小乘二部。通明五義。一速疾義。如輪王輪。有速疾轉義。今聖智起時。一剎那間。有速疾之用也。二有取捨義。如輪王輪。捨東洲。取南洲等。聖智亦爾。捨苦諦。取滅諦等。三降伏義。如輪王輪。若未伏者。卽能伏之。聖智若生能斷煩惱等。四鎮已伏義。如輪王輪。盡皆歸伏。輪亦常行鎮之。今明見道雖斷盡。分別煩惱更作觀智。令障轉遠。如覆障法。五上下轉義。如輪王輪。有上下轉義。

今明聖智。二界上下斷煩惱也。卽苦法智忍苦法智。斷欲界惑。苦類智忍苦類智斷上界惑。證無爲理。具此五義名爲法輪。若約大乘輪有四義。一圓滿義。具轂輻輳三故。二摧壞義。塘蝦拒轍輪能摧之。聖道現前能摧煩惱也。三鎮遏義。卽相見道更作觀行鎮伏煩惱。做法假施設也。四不定義。卽從見道入修道。修道入無學。自既證已。卽起慈心度諸衆生。令同所證也。二就能轉。卽展轉傳授義。謂過去佛傳至現在未來佛等。能所合故。各轉法輪也。二明體性者。大小乘通以八聖道爲體。言入聖道者。一正見。二正思惟。三正語。四正業。五正命。六正精進。七

一正念。人正定等。具轂輻輳三故。而配法卽別。小乘以正語正業。正命三法爲轂。又小乘以戒爲先。由持戒故能引生善法。卽以正見正思。惟正念。正精進四法爲輻。將正定一法爲輶。能攝錄諸法故。大乘卽以正見正思惟二法爲轂。緣大乘以正見爲先。卽能攝持於戒也。卽將正念正定正精進三法爲輶。念是定學助。以有正念故。能行也。具上功德。故以爲輶也。大小乘配屬雖別。然同以八聖道爲體也。三明種類有三。小乘四諦。若約能知亦四。謂眼智。明覺。眼卽總觀。餘三如次別觀。過去未來現在苦等。又一一轉中。皆生六益。謂眼智明覺通生慧生。如

婆沙云。一一轉時各別發生眼智明覺俱舍疏中引此論釋。彼以見道十五心中法忍名眼法智名智類忍名明類智名覺如彼疏亦引婆沙但名義釋眼是觀見義智是決斷義明者顯了義覺者警察義更加通生慧生通是除障義慧是簡擇義此卽各就一說也。二三乘中三轉四諦通三機約初教也。三一乘準下文有十諦差別然盡總以無盡法界爲一大法輪海常無休息也。四明轉相有二一爲自三轉一印相轉在見道印者不錯謬義謂此是苦如實了知此苦聖諦乍可令日輪冷月輪熱不可轉易此苦聖諦令

成於樂卽如實了知是苦不虛也餘三準此二應作轉亦名應修轉在修道既知已卽須修也。作法者謂此是苦須狀此是集須斷此是道須修此是減須證由未遍知應遍知苦聖諦餘三例然三已作轉在無學道謂此是苦我已狀此是集我已斷此是道我已修此是減我已證也二爲他三轉者一示相轉卽指示四諦法相令知謂此是苦等令入見道也二勸修轉亦名勸知轉既知已卽勸令修謂此是苦汝應知等令入修道三名引證轉亦名作證轉謂此是苦汝已知等令入無學道故淨名云三轉法輪於大千其

1 2 3 4 5 6 7 8 9

70

80

1 2 3 4 5 6 7 8 9

撰述

華嚴經卷第廿四

輪本來常清淨。天人得道此爲證。三寶於是現世間。  
 三乘皆同此說。但義理差別。準大品經。旣言鹿闍轉  
 法輪時。無量衆生發菩提心。無量衆生得初地等。無  
 量一生菩薩一時成佛。此亦應同。彼三轉是通非別。  
 不可別配。若依一乘轉無盡稱法界法輪。與所被機  
 同一法界無二無別。法爾常恒。無斷徧益。五明法輪  
 分齊。若小乘中。佛說四諦名爲法輪。若說世語。卽非  
 法輪。若三乘中。佛一切語及身威儀。皆入法輪。無不  
 益生故。若一乘中。通三世間俱入法輪。一切衆生語  
 言亦如法輪。經云。能令三界所有聲聞者。皆是如來

蓋音六轉處。小乘唯一娑婆百億鹿苑等處。三乘或百  
 億或千百億或恒沙爲一化境。一乘遍通樹形乃至  
 華藏及一切塵中。帝網重重具足主伴。七轉時。小乘  
 三乘或二七三七或六七或七七或一年等。此竝是  
 未教隨機見聞耳。一乘本教要在初時第二七日。更  
 無異說。仍攝前後。若無量劫。念念無間。亦各攝彼前  
 後際劫。重重無盡。入轉人。小乘主爲釋迦生身及化  
 身佛。伴謂聲聞弟子。唯益小機等。三乘主卽三身。伴  
 等亦重重無盡。唯被圓機。或通一切。卽五種所爲。如

前機感中已辯。△聲聞自度但懺而已。菩薩愍衆故須勸請。請佛普雨必自他霑洽。

△二釋相二一舉所請境。

所有盡法界虛空界十方三世一切佛刹極微塵中。一一各有不可說不可說佛刹極微塵數廣大佛刹。一一刹中念念有不可說不可說佛刹極微塵數一切諸佛成等正覺。一切菩薩海會圍繞。

鈔所請境中經文分二先標所遍處後舉所請人處中有兩重無盡言一一各有不可說等者此中具有二種無礙。一一多無礙。二小大無礙所以然者謂以

性融相故爾。二人中有果人因人諸佛卽果。菩薩卽因。言念念有不可說等者意在境寬能請無邊故。其所現身應如第一門中說。一念尚然況經多劫。

△二正明請法。

而我悉以身口意業種種方便殷勤勸請轉妙法輪。

鈔正明請法中經言種種方便殷勤勸請者如我釋迦世尊初成正覺住多演林獨坐入定觀察世間思惟所證甚深難解唯佛乃知若爲人說彼不能達徒施無益而默然住復念諸佛常得梵王勸請方轉法輪。念是事已放白毫光遠炤三千大千世界時娑婆

撰述

聖教義解卷第廿四

四

世界主螺髻梵王承佛威神。作念往請。卽告梵衆言。  
 世間有情善滅惡增。佛成正覺。默然無所說。故我宜  
 往請。卽與六十八拘胝天衆。往詣佛所。作禮旋遶。住  
 立。具以損益白佛。唯願哀愍爲轉法輪。後以偈讚般  
 勸請。時佛默然。梵供養已忽然不現。是時如來欲  
 令世間尊重法故。甚深妙法得開顯故。思惟我法深  
 妙。非分別能解。不如不說。是故默然。梵知聖止。詣橋  
 尸迦勸令同請。時梵釋天衆共至林中。禮已三達。住  
 立一面。說偈重請。世尊降伏諸魔。寃其心清淨如滿  
 月。願爲衆生從定起。以智慧光炤世間。如來猶默。時

大梵王卽從坐起。偏袒右肩。胡跪合掌。以偈重請。如  
 來今已降魔怨。智慧光明炤一切。世間根熟有堪度。  
 唯願世尊從定起。佛告大梵王。我法深妙。窮極寂靜。  
 若爲人說。彼不能解。梵釋聞已忽然不現。梵於異時。  
 忽念世間魔界增劇。重詣勸請。卽說偈云。摩伽陀國。  
 多諸異道。因邪見故種種籌量。唯願牟尼爲開甘露  
 最清淨法。令其得聞佛所證法。清淨離垢。至於彼岸。  
 無增無減。於三界中超然特尊。如須彌山顯于大海。  
 常於衆生起哀愍心。而救濟之。云何弃捨。幸以法光  
 除諸暗冥。唯佛大慈。不捨本願。如師子吼。如天雷震。

撰述

華嚴經行願品行疏卷第十四

爲衆生故轉於法輪。爾時世尊以佛眼觀見諸有情上中下根定不定聚。如來爾時觀不定聚衆生起大悲心。作如是言。我本欲爲此等衆生轉於法輪故。出現於世。又爲梵王請故。卽以偈頌告梵王言。我今爲汝請當雨於甘露。一切諸世間天人龍神等。若有清淨者。聽受如是法。梵王聞已歡喜禮足。繞無數匝。忽然不現。爾時地神告空神言。佛受梵請。欲轉法輪。哀愍利益安樂無量諸衆生故。念項轉至有頂皆知。時有四護菩提樹神。一名愛法。二名光明。三名樂法。四名法行。禮足白佛。當於何處轉於法輪。如來告彼言。

於波羅奈仙人墮處鹿野苑中。天白佛言。彼地非勝何於彼轉。佛言。舉要言之。往昔九萬一千俱胝諸佛皆往是處轉正法輪。一切甚深微妙之法。皆從中出。故此常爲天龍守護。是故於彼轉正法輪。時佛作念。誰應先度。卽念二仙。彼又已滅。卽念五俱輪合先得度。卽入定觀察。乃見此五人在鹿野苑。如來卽往波羅奈城。至鹿野苑。五人共議。悉達狂人。無有志耐。若來此處。不應與起。及佛至已。奔速來迎。如來見已。卽爲說法。轉大法輪。於是三轉四諦十二行法輪。時憍陳如最先領解。相次五人皆得道果。於是三寶出現。

撰述

聖教經卷第廿五

卷三

世間。皆申勸請。一切諸佛悉皆如是也。問。既約圓宗。一切無非法輪。念念常轉。今要請者。蓋以情迷起念。滯於色聲。旣五音令人耳聾。卽不聞圓音遍演。故須請也。有隨緣請。有稱性請。隨緣可知。稱性請者。須悟。一切聲如空谷響。緣起無性。非斷非常。一一全真。無非法界。旣聞無所聞。卽終日聞法。心觀如此。是請轉法輪。故出現品法輪章中云。知聲如響而請轉法輪了於諸法真實性。故於一音中出一切音而轉法輪。畢竟無主故。又云。欲知如來所轉法輪應知如是法輪所出生處。佛子。如來隨一切衆生心行欲樂。無

量。出若干音聲而轉法輪。釋曰。旣隨衆生之心。卽知願請轉法輪。須令自心稱法。心若不稱。亦不聞故。故藏和尚緣起章第六請轉法輪門中云。由一切諸佛唯智唯德善薩。卽以窮法界之智而請佛說法。是故一切諸佛無不雨大法雨。然菩薩唯願唯行諸佛。卽以甚深願力而加所請。是故菩薩無不獲於大益。當知菩薩常請諸佛常說。未曾失時也。

△三總結無盡

如是虛空界盡。衆生界盡。衆生業盡。衆生煩惱盡。我常勸請。一切諸佛轉正法輪。無有窮盡。念念相續。無有間

斷。身語意業無有疲厭。

△第七請佛住世三牒名。

復次善男子。言請佛住世者。

即是勸請中別義。○鈔偈云。十方一切佛若欲捨壽命。我今頭面禮勸請令久住。釋曰。衆生心淨見佛常住。衆生心垢見佛捨命。佛無生滅。隨機見殊。故知心淨觀佛佛則常住。爲真勸也。

△二釋相。

所有盡法界虛空界十方三世一切佛利極微塵數劫。爲欲利樂一切衆生。佛如來。△將欲示現般涅槃者。△及諸菩薩聲聞緣覺具云般涅槃那。古譯爲入滅息。息即是滅。故但云入滅。或云滅度。卽滅障度苦也。準涅槃疏中滅義有四。一事滅。二德滅。三應滅。四理滅。言事滅者。事謂生死因果事相。滅生死故。名爲事滅。言德滅者。此有其二。一若以緣修名德。至果捨修。名爲德滅。滅彼緣修故。二真德爲德。卽無性可取。無相可捨。以佛真德離性相故。言應滅者。隨化世間。示滅有因。現亡身智。以應

撰述

華嚴經解卷第廿四

四書

盡還源名爲應滅。言理滅者。此亦有二。一是相空。妄  
相諸法空無有實。妄心所取體相俱無。二是真空。如  
來藏中。恒沙佛法離相離性。名之爲空。此體有相無  
眞。卽不空。空卽不有。不空不有。卽是涅槃。總名理滅。  
滅義雖衆要。唯此四。四滅之中。理滅爲本。由見相空。  
成前事滅。由見真空。成前德滅。依體起用。便有應滅。  
由此理滅。具二種空。故以理滅爲三滅本。具四滅故。  
名爲涅槃。廣如彼說。新云波利匿摩。翻爲圓寂。謂  
義充法界。德備塵沙。故稱圓。體窮真性。妙絕相累。故  
云寂。又法爾無缺。故稱圓。體自真常。故稱寂。

此約淨涅槃

也。又萬德成滿。故稱圓。衆類永寂。故云寂。  
又化用周普。故稱圓。用而常寂。故云寂。  
此涅槃有其多義。或云一種。謂大般涅槃。或有其二。  
謂性淨。方便淨。或有三種。謂性淨。圓淨。方便淨。又有  
三種。一性淨。二方便淨。三應化。或說有四。卽前四滅。  
此上諸義。總曰涅槃。若依唯識論等通說。涅槃有其  
四種。一自性清淨涅槃。謂真如之性。無始時來。本自  
清淨。雖有客塵。而不能染。故曰性淨。在有情身。卽名  
佛性。在無情界。卽名法性。以本性清淨故。以爲名。二  
有餘依涅槃。謂諸聖人。斷盡煩惱。止有餘殘苦。依身

概述

華嚴經疏卷第十四

四書

在由證無爲煩惱障盡離諸囂動寂靜安樂故號涅槃。唯識論云謂卽真如出煩惱障雖有微細苦依未盡而障永寂故名涅槃三無餘依涅槃謂諸聖人狀苦欣寂灰身滅智餘迹既泯故名涅槃唯識論云謂卽真如出生死苦煩惱既盡餘依亦滅二障永寂故號涅槃四無住處涅槃謂卽真如出所知障大悲般若常相輔翼由斯不住生死涅槃利樂有情窮未來際用而常寂故名涅槃初一通凡及聖次二通三乘後一局大乘廣如諸論所說也後明示般於中先解般字後明示現今初言般者名入涅槃經疏解入義

有三一就真以論息妄歸真從因趣果故名爲入此解通因果二據化辯入示滅有因現亡身智名之爲入三就真應相對以辯入息化歸真故名爲入此解在果也言示現等者問諸佛何故示現入於涅槃耶答如大經離世間品云作佛事已觀十種義示般涅槃所謂示一切行實無常故示一切有非安隱故示大涅槃是安隱處無怖畏故以諸人天樂著色身爲現色是無常法令其願往淨身故示無常力不可轉故示一切有爲不隨心住不自在故示一切三有皆如幻化不堅牢故示涅槃性究竟堅牢不可壞故示

撰述

聖經卷第十一

聖書

一切法無起而有聚集散壞相故佛子諸佛世尊作  
佛事已所願滿已轉法輪已應化度皆化度已有  
諸菩薩應受尊號咸記別已法應如是入於不變大  
般涅槃言善知識者離世間品中明十種善知識經  
言佛子菩薩摩訶薩有十種善知識何等爲十所謂  
令住菩提心善知識令生善根善知識令行諸波羅  
蜜善知識令解脫一切法善知識令成熟一切衆生  
善知識令得決定辯才善知識令不著一切世間善  
知識令於一切劫修行無厭倦善知識令安住普賢  
行善知識令入一切佛智所入善知識等也言我悉

勸請等者如涅槃經說我佛世尊臨涅槃時以佛神  
力出大音聲隨其類音遍告一切今日如來應正偏  
知憐愍衆生覆護衆生等視衆生如羅睺羅爲作歸  
依屋舍室宅大覺世尊將欲涅槃一切衆生若有疑  
者今悉可問爲最後問爾時世尊於晨朝時從其面  
門放種種光其光雜色遍照大千佛之世界乃至十  
方其中衆生遇斯光者罪垢煩惱一切消除是諸衆  
生見聞是已心大憂愁同時舉聲悲啼號哭嗚呼慈  
父痛哉苦哉舉手拍頭搥胸叫喚涕泣哽咽大地山  
海皆悉震動時諸衆生共相謂言且各裁抑莫大愁

撰述

華嚴經疏解卷第十四

苦當卽往詣拘尸那城力士生地到如來所頭面禮敬勸請如來莫般涅槃住世一劫若滅一劫互相執手復作是言世間空虛衆生福盡不善諸業增長出生仁等今當速往速往如來不久必入涅槃是時便有四十八衆各齋供具來詣雙林時娑羅樹間吉祥福地縱廣三十二由旬大眾充滿無空缺處作大供養佛皆不受五色口光出已復沒天人大眾見地大動又見光沒身毛皆豎同聲哀泣說偈勸請

稽首禮調御我等今勸請遠離於人僊故無有救護  
今見佛涅槃我等沒苦海愁憂懷悲惱猶如獵失母

貧窮無救護猶如困病人無醫隨自心食所不應食衆生煩惱病常爲諸見害遠離法醫師服食邪毒藥是故佛世尊不應見捨離如國無君主人民皆饑餓我等亦如是失陰及法味今聞佛涅槃我等心迷亂如彼大地動迷失於法力大僊入涅槃佛日墜於地法水悉枯涸我等定當死如來般涅槃衆生極苦惱譬如長者子新喪於父母如來入涅槃如其不還者我等及衆生悉無有救護如來入涅槃乃至諸衆生一切皆愁怖苦惱集其心我等於今者云何不愁惱如來見放捨猶如弃涕唾譬如日初出光明甚暉焰

既能還自招亦滅。一切暗如來神通光能除我苦惱。處在大衆中。譬如須彌山。

復以種種譬喻。毀勤勸請。佛亦安慰而爲說法。法應如是也。問諸佛。唯利物爲心。住世益多。故須勸請。聲聞緣覺不能利他。自求涅槃。何須勸請。答親斷煩惱證生空。如住持佛法。利益彌廣。且聲聞益物者。如空生鷲子。處處請問大乘。思勝滿慈所在。激揚妙理。飲光及與慶喜。結集三藏遺文。賓頭盧等應真。住持能多利物。既有斯勝益。故須請也。又緣覺利物者。出無佛世。以神通攝生。供養者現世他身獲果無盡。且

如善住天子。昔曾供養辟支佛。得生忉利天宮。因感空聲來報。由斯得免七返惡道之身。又金色王十二年大旱。國人罄盡糧儲。因供養緣覺一食。現世滿殊常之願。皆能利物。盡有益生功德。尤多。故須勸請也。問二乘聖者。斷惑證如益物。功高故須勸請。諸善知識。復是何人。有何功能。亦令勸請。答。如涅槃經德王品。說善知識者。謂佛辟支佛。聲聞人。中信方等者。何故名爲善知識耶。善知識者。能教衆生遠離十惡。修行十善。以是義故。名善知識。又復如法而說。如說而行。自遠十惡。亦令他離。自行菩提。亦令他行。名善知

識又自行施戒聞慧亦令他行。名善知識。又不能自樂。常爲衆生不訟。他短常說善事。名善知識。如大船師善渡人故。諸佛菩薩亦復如是。度盡衆生出生死海。名善知識。故須勸請問。諸佛如來法爾常現無盡身雲遍說遍益。卽佛本住世云何更言請佛住世耶。答然佛出世及般涅槃相對辯者有其二意。一約實義。二約對機。實義有三。謂圓宗中三諦釋也。一緣性。卽空之真諦。則非出非般。故大品偈云。如來不出世。亦無有涅槃。二法界緣起之俗諦。則念念處處而出現。念念處處而入滅。出現品成正覺章中云。佛子應。

知自心念念常有佛成正覺。何以故。諸佛如來不離此心成正覺故。如自心一切衆生心亦復如是。悉有如來成等正覺。又云得一切智大悲相續救度衆生。卽念念出現也。又云當知無有少許處空無佛身。何以故。如來成正覺無處不至故。卽處處出現也。入滅者。卽上遍一切處出現之佛身。約隨相有爲義邊念念卽生卽滅。四相同時。今謂以生卽滅爲念念處處而入涅槃也。三約法界實體第一義諦。卽常住世。或常涅槃。寂而常炤爲住世。炤而常寂爲涅槃也。二約對機者。機緣感則菩提樹下而出現。機緣盡則雙林。

樹間而入滅。故出現品涅槃章中云。佛子諸佛如來爲令衆生生欣樂故出現於世。欲令衆生生戀慕故示現涅槃。今既要菩薩行願。勸請令住世。即當第二對機門也。佛本常住。而云請住世者。衆生心垢業惡。不見如來。設有心開解發。會得見佛而情識昧。習氣忽起。還不現前。故今勸請者。但依智離識。常作佛觀。心清智明。卽常見佛。不會涅槃。若瞽爾起心。塵勞相續。觀智間斷。卽不見佛。名佛滅度也。故出現品涅槃章中云。如來常住清淨法界。隨衆生心示現涅槃。佛子譬如日出。普現世間。於一切淨水器中。影無不現。

或一處器破。則不現影。佛子於汝意云何。彼影不現爲日咎否。答云不也。但由器壞。非日有咎。佛子。如來智日亦復如是。昔現法界。無前無後。一切衆生淨心器中。佛無不現。心器常淨。常見佛身。若心濁器破。則不得見。釋曰。法身無像。故無器而不形。聖智無心。故無感而不應。像非我有。自彼器之虧盈。心非我生。豈普現之前後。持戒器破。定水無依。菩提器破。智水寧止。無信清珠。故心水渾濁。何由見佛。又解緣起章中。明佛出世間門中云。非是佛身潛隱而不出現。或無智者。則云佛不出世。當知未會有世間而佛不現者。

此現與不現由有智與無智。非佛行藏而有出沒。但常炤一真法界則一切諸佛常現在前。故知請佛當淨其心也。卽同維摩經欲得淨土當淨其心。又心淨卽佛土淨。云△標從勝說。併請如來。△釋從通意三乘皆請。

△三總結無盡如是虛空界盡衆生界盡衆生業盡衆生煩惱盡我此勸請無有窮盡。念念相續無有間斷。身語意業無有疲厭。

大方廣佛華嚴經普賢行願品別行疏鈔卷第四

大方廣佛華嚴經普賢行願品別行疏鈔卷第五

勅太原府大崇福寺沙門 澄觀

撰別行疏

圭峯草堂寺沙門 宗密

述隨疏鈔

△疏第八常隨佛學者此下三段皆是回向。前二卽回向中別義。鈔三段皆回向者如前徵列名數中已明開合。△故下偈中第七行竟便標回向。欲收此二屬回向故。△若別說者卽是所修二利行體。△亦是別說所回向善根。鈔二利行體者常隨佛學。自利。恒順衆生利他也。別說所回善根者卽第十門將此二利功德及一切福回向三處也。

60 1 2 3 4 5 6 7 8 9 10 1 2 3 4 5 6 7 8 9

1 2 3 4 5 6 7 8 9 10 1 2 3 4 5 6 7 8 9

撰述

△文三。牒名。

復次善男子言常隨佛學者。

義同等一切佛回向。△亦自利行。鈔常隨佛學者謂托佛從因至果所歷之行所爲之事以爲所緣之境引得心智隨而學之。謂以觀智融已身心令常在如此之境勿執身心定相致令在慳貪瞋恚六塵五欲顛倒境也。若令佛所歷苦行境常爲自己心觀者則遇諸苦事乃稱本願而無怨惱。遇諸樂事自無耽染。以非常時心觀之所願故智者善思勉旃而學疏義同等一切佛回向者十回向中第三回向也。此亦

回向中別義故指同也。第七等隨順一切衆生回向卽當下第九恒順衆生也。

△二釋相二一學本師二一明所學二一明因行。

如此娑婆世界毘盧遮那如來。△從初發心精進不退△以不可說不可說身命而爲布施。△剝皮爲紙。折骨爲筆。刺血爲墨。書寫經典積如須彌。△爲重法故不惜身命。△何況王位城邑聚落宮殿園林一切所有。△及餘種種難行苦行。

鈔娑婆世界毘盧等者雖華藏世界正是十身之依報而娑婆界不相離。卽最中香水海二十重中第十

楞述

卷五

三

三重是此婆婆也。意明卽此穢土衆生可以造觀修習。又佛本不離穢土修證故界舉婆婆而所歸之佛便須稱實圓見。故佛舉光明遍照卽依正中真應影畧耳言從初發心等者發心者所謂發大菩提心也。瓔珞本業經云。具縛凡夫未識三寶善惡因果。未於佛法起一念信乃至從此住佛菩提正教法中發菩提心起一念信爾時便名信相菩薩。瑜伽唯識要具大乘二種種性。本性住種性。習所成種性。方於五位漸次悟入。智度論中辯發心相云。若有人言願我當來作佛度脫一切衆生苦惱。是名發菩提心。發心住

經二云。何爲菩薩發心住。此菩薩見佛世尊形貌端嚴色相圓滿人所樂見難可值遇有大威德或現神足或聞記前或聽教誡或見衆生處諸劇苦或聞如來廣大佛智發菩提心求一切智等。此發心相有其十種。一親近善友。二供養諸佛。三修習善根。四志求勝法。五心常柔和。六遭苦能忍。七慈悲深厚。八深心平等。九愛樂大乘。十求佛智慧。以此十事皆是發心求大菩提之相也。又有十心。一者信心。以心淨爲義。然有四種。一信根本。謂樂念真如法故。二者信佛。有無量功德。常念親近供養恭敬發起善根願求一切。

智故三者信法。有大利益。常念修行諸波羅蜜行故。四者信僧。能正修行。自利利他。常樂親近諸菩薩衆。學如實行故。二者進心。謂成前信心。令其堅固。是故勇猛發勤精進。遠離衆苦。故云進心。三者念心。謂由精進力故。正念現前。所謂六念。一念佛。謂三身種智無邊功德。二念法。謂教理行果能利益故。三念僧。所謂菩薩理事和合。四念戒。謂諸菩薩三聚淨戒。五念施。財法無畏施。衆生故。六念天。第一義天常樂我淨。是名念天也。四者慧心。謂由不妄分別。開悟決擇。唯識道理。慧解現前。正觀諸法故。五者定心。修正行也。

利樂精進具如下明也。又言不退者謂不退墮卽不退轉也。有其四種。謂信位證行。一信不退者十信第六名不退心。不退於外道家故。二位不退者十住第七名不退住。不退二乘家故。三證不退。謂初地菩薩出過凡位證聖法故。更不退轉。名證不退。不退於凡位故。四行不退者第八地中。得無生忍已。必當作佛。更不退轉。一切法中行一切行。不被相用之所動轉。名行不退。故云從初等也。剝皮爲紙等者有二。一隨相釋。二觀智釋。且初或諸緣闕必要記持聖言。故不惜身命。剝皮析骨。或雖竹帛紙墨不少。要須重法苦。

身以展誠敬之志。所以如此也。如集一切福德三昧經云。昔過去久遠阿僧祇劫。有一仙人。名曰最勝。住山林中。見諸神仙常行慈心。復作是念。非但慈心能濟衆生。唯集多聞滅衆生煩惱邪。見能生正見。念已便詣城邑聚落處處推求說法之師。時有天魔來語仙人言。我今有佛所說一偈。汝今若能剝皮爲紙刺血爲墨。析骨爲筆。書寫此偈。當爲汝說。最勝仙人聞已。念言。我於無量百千劫中。常以無事爲他割截。受苦無量。都無利益。我今當捨不堅之身。易得妙法。歡喜踊躍。卽以利刀剝皮爲紙。刺血爲墨。析骨爲筆。合

撰述

掌向天請說佛偈時。魔見已。愁憂憔悴。即便隱去。仙人見已。作如是言。我今爲法。不惜身命。剝皮爲紙。刺血爲墨。析骨爲筆。爲衆生故。志誠不虛。餘方世界有大慈悲能說法者。當現我前。作是語時。東方去此三十二刹。有佛國土名普無垢國。中有佛號淨名王。忽住其前。放大光明。炤最勝身。苦痛即除。平復如故。佛卽廣說集一切福德三昧。最勝聞法得無礙辯。佛說法已。還復不現。最勝仙人得辯才已。爲諸衆生廣說妙法。令無量衆生住三乘道。經千歲後爾乃命終。生淨名王佛普無垢國。由敬法故。今得成佛。佛告淨威。

昔最勝者今我身是。是以當知。若有人能恭敬求法。佛於其人不入涅槃法。亦不滅。雖在異土。常面見佛。得聞正法。故云剝皮爲紙等也。二觀智釋者。謂觀察此身。若皮若骨。都無定實。舉體全空。無我所。雖日覩似有之相。而乃如聚沫。如泡。如燄。如芭蕉。旣無自體。元同法界。如是一一推徵。三諦具足。成空假中之三觀。詮此義時。生得此解。契合圓機。便是寫經。經是詮表。生解義。不觀不推。卽心迷取相。是無經也。

△疏二辯果用。  
 △示種種神通。  
 △起種種變化。  
 △乃至樹下成大菩提。

檢述

現種種佛身。△處種種衆會。△或處一切諸大菩薩衆會道場。△或處聲聞及辟支佛衆會道場。△或處轉輪聖王小王眷屬衆會道場。△或處刹利及婆羅門長者居士衆會道場。△乃至或處天龍八部人非人等衆會道場。△處於如是種種衆會。△以圓滿音如大雷震隨其樂欲成熟衆生。△乃至示現入於涅槃。

鈔明果用中示種種神通者或云神足。或云神境。具足應云神境智作證通。或云運身通。謂身輕舉。自在無壅。故以爲名。或曰神足者陰陽不測謂之神足。謂舉動卽智能運身。如是名神足通也。言種種者或可

總舉果中六通也。謂此六種智境無壅故名爲通。故言種種也。起種種變化者轉換舊質名變無而忽有名化。此變之與化佛及菩薩皆能爲之。卽十八變也。言十八變者一者震動。震動大地。謂佛菩薩定自在力。普能震動。或動一房一院一寺一縣一州一國小小千界中千界大千界乃至無數世界。皆令東湧西沒等也。二者熾然盛。謂身相明顯也。由佛菩薩定自在力。於自身上出其猛燄。舉身洞然。出種種光。青黃赤白等。如底沙如來入火光定。名熾然也。三者流布。佛與菩薩定自在力。令教法施行也。如法華經中普賢

菩薩言。我當以神通力守護是經於闍浮提廣宣流布。令無斷絕。卽然燈之義也。四者示現變。變異類形相依定自在力。示現種種身化。一切衆生也。五者轉變變。謂大小不定。由佛菩薩定自在力起勝解通。變身大小不定。或變天地爲黃金。攬長河爲酥酪。變磚瓦爲金玉。變草木爲飲食變。一切物皆令隨心轉於舊質也。六者往來變。或去或來。山河石壁無有滯礙。上至梵天。旁五十方。皆隨心便至。如普賢從寶威德上王佛國來於此土也。七者卷。由佛菩薩定自在力。令須彌山入芥子中。無量世界在一塵內等。八者舒。

展小令大。令一塵一毛皆遍法界也。九者衆像入身。身內包容一切形像。如摩耶夫人含容無邊世界大菩薩衆集會聽法。又普賢身內。佛佛無盡。佛毛孔內。菩薩重重也。十者往同類趣。由定自在力能現身於六道受生。同其形類。以彼言音說法教化。十一隱。是從有現無。謂佛菩薩定自在力於大衆前忽然不現。如文殊師利於靈山會上答彌勒了。大衆不見早已隱身到於龍宮。十二顯。是從無現有。如靈山會上從地湧出無量菩薩。一一菩薩百福嚴相。十三所作自在。卽無有壅滯也。由定自在力。於一切世界行住坐。

卧所作所爲隨自意樂利益自在。十四制他神通。謂佛菩薩定自在力能制一切邪通也。十五能施辯才。謂有志心於佛及菩薩求聰慧者悉能施與。如利涉和尚求觀音菩薩乞無礙辯。得過人辯。十六能施憶念。令知過去事。謂佛菩薩加被有情。令自憶過去久遠劫事悉得也。十七能施安樂。名所化離苦。佛及菩薩大慈悲力拔苦與樂也。十八放大光明。或放光明照一切世界。如經言。炤東方萬八千世界乃至遍炤十方無數世界皆得也。謂佛變化有此十八種故。所以言起種種變化也。現種種佛身者。謂卽兩重十身。

融三世間十身中。有衆生身。國土身。業報身。聲聞身。緣覺身。菩薩身。如來身。法身。智身。虛空身。卽善財所遇諸善知識。皆不離佛身。故云種種。又統論佛身。有其多種。或說一身。卽一法界身。或說二身。謂真身。亦名法界身。二應身。亦名生身。或說三身。謂法報化身。或說四身。開報爲二。一自受用身。二他受用身。或說五身。一堅固自性身。二福德莊嚴聚身。三受用智慧身。四作變化身。五淨法界身。或說十身。如前所明。乃至法界無盡身雲。若束而言之。不過體相用三體。卽法身。相即報身。用即化身。佛身功德。雖有無量攝之。

撰述

卷五

不出於三身。今言種種者。即可知也。或處轉輪聖王等者。轉輪聖王。人中第一。千子圍繞。七寶隨身。統攝四洲。大弘十善。相圓百福。足蹈千輪。言七寶者。一輪寶。二珠寶。三女寶。四馬寶。五象寶。六主藏臣寶。七主兵臣寶。淨名經云。王有千子。端正勇健。能伏怨敵也。餘有銀輪。銅輪。鐵輪等。名爲小王。如菩薩瓔珞。本業說銀輪五百幅。王三洲銅輪一百幅。王二洲鐵輪五十幅。唯王南洲法華經說名小轉輪王也。又諸刹利非輪王者。大栗散等。皆名小王。或作彼王。處於衆會化彼眷屬。或現諸身。在彼衆中說法教化。故云處等。

也。或處刹利婆羅門等者。此舉四種族姓也。西域記云。若夫族姓殊者。有四流焉。一曰婆羅門。淨行也。守道居貧。潔白其操。二曰刹帝利。王種也。舊云刹利畧也。後人訛也。奕世君臨。仁恕爲志。三曰吠舍。舊云昆舍訛也。商賈也。貨遷有無。逐利遠近。四曰戌陁羅。農人也。舊云首陁訛也。肆力疇壠。勤身稼穡。凡茲四姓。清濁殊流。婚取通親。飛伏異路。內外宗枝姻媾不雜。婦人一嫁終無再醮。自餘雜姓。寔繁種族。各隨類聚。難以詳載。君王奕世。唯刹帝利。餘文可知。乃至示現入於涅槃者。後明歸真益物也。如我佛涅槃時。以佛

撰述

神力出聲普告。今日如來欲入涅槃。若有疑者。今悉可問。爲最後問。卽於晨朝。面門放於種種色光。普炤世界。遇斯光者。罪垢消滅。有聞聲者。舉聲悲哀。嗚呼慈父苦哉痛哉。舉手拍頭。搥胸號喚。大地山河。皆悉震動。天人大衆。皆來集會。娑羅林間。禮佛悶絕。遍體血現。如波羅奢花。爾時世尊出入。種聲普告大衆。莫大號哭。猶如嬰兒。各相裁抑。勿自亂心。卽爲說法。我今於此顯難思議。現方便力入大涅槃。示同世法。欲令衆生知身如電。生戀慕善。生死瀑河。漂流速疾。諸行輪轉。法應如是。汝等當知此大涅槃。乃是諸佛金剛寶藏。常樂我淨。周圓無缺。諸佛於此而般涅槃。最後究竟理極無遺。諸佛於此放捨身命。故名涅槃。如是爲說畧教。誠已告語。阿難說茶毘法已。以金手却僧伽梨。顯出紫磨黃金師子之臆。上昇虛空七名羅樹。二十四返。告諸大衆。我欲涅槃。汝等深心看我金剛堅固不壞紫磨黃金無畏色身。如優曇華難可值遇。大衆應當深心瞻仰。我涅槃後。應疾修行。早出三有。勿復懈怠。散心放逸。說是語已。出入諸禪三返。示誨已於七寶床右脅而卧。頭北足南。面西背東。卽於中夜入第四禪。寂然無聲。入於涅槃。佛涅槃已時。娑

羅雙樹東西二雙合爲一樹。南北二雙亦合爲一樹。  
 垂覆寶床。蓋如來身。自然變白。枝莖皮幹自然爆裂。  
 摧折無餘。是時大地諸山悉皆崩裂。大海湧沸。江河  
 枯竭。日月無光。黑風鼓怒吹扇砂塵。諸樹草木摧碎。  
 墮地。皆各有聲。歎佛入滅。世無依怙。諸天哀慟震大  
 千界。哀哉哀哉。奈何奈何。何期今日人天之師爲事  
 究竟無能留者。於是阿難悶絕。遑遑慰喻。水灑乃蘇。  
 人天悶絕。皆大號哭。不能自制。各各相抑。互相勸喻。  
 然後各辦廣大供養。依法荼毘。如轉輪王法。千斂纏  
 身。灌諸香油。多積香木。然後以火焚而燒之。收拾遺

形。起塔安置等廣如經說。

△疏二辨能學。  
 如是一切我皆隨學。

△疏二例一切。

如今世尊毘盧遮那如是盡法界虛空界十方三世一  
 切佛刹所有塵中一切如來皆亦如是。於念念中我皆  
 隨學。

△疏三總結無盡。

如是虛空界盡衆生界。盡衆生業。盡衆生煩惱。盡我此  
 隨學。無有窮盡。念念相續。無有間斷。身語意業。無有疲

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

校述

華嚴經行願品別疏卷第五

狀

△疏第九。恒順衆生三。牒名。

復次善男子。言恒順衆生者。

謂隨順衆生種類根性饒益成就。△疏卽利他行。鈔第九。恒順衆生行。佛言隨學。生云恒順者。諸佛因果之行可宗可慕。順於真理。故須運心倣學。衆生善惡之行不離迷心麤獷乖道。非可軌持等。故不言學。然不壞假名。不滅假相。法無自性。一切皆如常以同體大悲融通物我。故云恒順。如何順耶。先釋不順。反明順義。若見衆生是定有。定有則體異真性。則阻隔

難化。故名非順也。若見衆生是定無。定無卽斷滅。斷滅亦異真性。還成阻隔。亦非順也。今以普賢行願力。故普見衆生無非性之緣起。既託真性而現故無自體。既云現也。則幻相歷然。非斷非滅。如鏡現面像。但云面無骨肉之自體。豈不現而像耶。如此普見衆生。是爲恒順也。故緣起章以普賢行入佛界。衆生界門中。云由衆生寂滅本來自盡時。即是法身界。法身隨緣成有時。卽衆生界。今以寂滅非無之衆生怕不異真而成立。又以隨緣非有之法身怕不異事而顯現。是故菩薩入衆生界時。即是入佛界。入佛界時。即是

撰述

聖嚴房藏別不正錄卷之三

三

入衆生界也。問。義理既爾。何得復云衆生乖道非可學耶。答。衆生雖舉體全真。且不如是知。乖背此理。所作顛倒。不可倣學。故緣起章約衆生門中所見佛及衆生。皆是生滅善惡境界。良以情計不破。故所見佛亦同情計。當知衆生所見未曾有一佛清淨解脫者。是故識倒佛亦倒。情迷佛亦迷。故此云不可學也。問。既爾何必隨順耶。答。如有賢人。具足信義忠孝。忽然夢見殺害父母。造諸非法。衆人聞已。豈以夢造非法而棄之耶。然雖不可棄。豈可復欲倣其夢事造非法耶。若有弃者。効者二皆癡狂。是知學衆生迷心之行。

者或隔衆生。全云是妄者。二亦皆癡狂。所以不可學。但言順也。然雖不學。必須曠蕩虛心。物我無二。自覺真性。凡聖不差。上合十方如來。下合六道含識。如斯見解。如是用心。方名普賢行願。故前門令合諸佛。此門令合衆生也。妙哉必爾。智者詳焉。謂隨順至他行者。順種類根性者。則不壞隨緣假相。饒益成就者。則順理觀之。今其稱真。一一離也。如下文中爲作光明。貪得伏藏等。此義類例如下。七種代衆生苦中。六七二義利他行也。故前隨佛學中標云自利也。亦可前智此悲也。

撰述

華嚴經解卷五

十四

△疏二釋相二。一正明二。一所順衆生。

謂盡法界虛空界十方刹海所有衆生種種差別。

鈔先標所順衆生後正明隨順初中分二。初別銷經文後會釋疏意。初中二。初總標方處可知。後顯所順生有二。先總標經言衆生者如大法鼓經云。一切法和合施設名爲衆生。謂以四大五蘊十二處及十八界十二因緣等合成假名爲人。號曰衆生。又般若燈論云。謂有情者數數生故名爲衆生。又不增不減經云。此法身本性清淨。但爲恒沙煩惱所纏隨順世間往來生死。卽名衆生。

△所謂耶生胎生溼生化生。

○鈔後別釋有一。先顯四生後明餘五。初中分二。先別顯四生義如下釋。

△或有依於地水火風而生住者。或有依空及諸卉木而生住者。

○鈔後依義別顯又二。先約差別後攝所餘前中三。一明依止差別。二明種類差別。三明受用差別。初文可知。

△種種生類。種種色身。種種形狀。種種相貌。種種壽量。種種族類。種種名號。種種心性。種種知見。種種欲樂。種

撰述

華嚴經疏卷第廿二

十一

種意行種種威儀。

鈔次種類中一一差別故云種種。言壽量者謂短長不等分限差殊。如北洲千歲東西半減。南洲不定等餘文可知。

△種種衣服種種飲食處於種種村營聚落城邑宮殿鈔後種種衣服下卽受用差別也。

△乃至一切天龍人非人等無足二足四足多足。

△有色無色有想無想非有想非無想。

四生九類義見普救夜神。鈔乃至下攝所餘類中言天龍等者具如經末所明。有色無色下後明餘五

義如下辯。後會釋疏意疏四生至夜神者。四生卽卵胎溼化更加有色無色有想無想非有想非無想等都成九類也。普救夜神卽前寄十地中之善友也。具足應言普救衆生妙德主夜神住菩提場寄談慧地得菩薩普現一切世間調伏衆生解脫門彼亦有九類之文疏釋云九類略有二種差別初明四生則依止差別報之所託故餘三可依化生依何依業染生也。地持論但云業染卽俱舍世間品意偶云倒心趣欲境溼化染香處天首上三橫地獄頭歸下論曰。如是中有往至所生先起倒心馳趣欲境彼由業力所

撰述

華嚴經疏解卷第十五

十五

起眼根雖住遠方能見生處父母交會而起倒心。若男緣母起於男欲。若女緣父起於女欲。翻此二緣俱起瞋心。若溼生者染香故生。謂遠觀知生處香氣便生愛染。往彼受生隨業所應。杳有淨穢。若化生者染處故生。謂遠觀知當所生處便生愛染。往彼受生隨業所應。處有淨穢。又天中有首正上升。如從座起人鬼傍生中有行相還如人等地獄中有頭下足上。墮墮其中云餘五類。則麤細差別此明報相下二界有色爲麤。無色爲細。於有色中。有想爲麤。無想爲細。非有想非無想則無色界中唯舉其細。對餘爲麤以義。

對之應云。有想無想爲麤。非有想非無想爲細。故此指云義也。然經文所列有多種統之不出九類。故疏但指九類。然彼解但配所依及麤細未配五道。今此更明天及地獄化生鬼具胎化人畜各通於四鬼胎化者地行羅刹夜叉及鬼母兒皆是胎生。餘皆是化人具四者。卵如毘舍佉母卵生三十二子。胎如常人溼如柰女從菴蘿樹溼氣而生。卽菴蘿女也。化如劫初之人從二禪下生人間畜具四者如龍與金翅鳥各有四生。故正法念經云。化生金翅鳥能食四生龍。如次溼胎卵能食三二一等。餘鳥皆卵。餘獸皆胎者。

攝述

地飛空。若水若陸。微細蠢動。或化或溼。或卵或胎。不可具分品類。又雜心云。謂生攝趣。非趣攝生。以中陰化生趣不攝故。問。化生最强。何不爲首答。有二。一約境釋。二約心釋。約境釋者。其緣多者而爲首故。如胎生必具胎溼化。胎生但具溼化。溼生唯兼於化。化生唯一。更不兼餘。此卽前前具後後。不具前前。故爲此次也。一約心釋者。從本至末爲次。無明卵生。無明者。取第八入識心三細最初業相也。此初起之念能所未分。渾沌如卵。既是根本。故首明之。無明發業蘊在藏識之中爲胎也。愛水流注潤之方能受生爲溼。

也。化生則無而忽有爲化也。有色者。下二界皆有色。陰卽有漏五根也。無色者。則四空處。但以四蘊爲身。無色陰之五根也。有想者。除無想天及有頂。餘皆此攝。無想者。卽無想天。非有想非無想者。卽有頂天也。若以九類配三界。卽化生遍三界。三生。唯欲界。有色遍下二界。有想該三界而不遍。餘二天故。無想則色界中一天也。非有想非無想則無色界中一天也。恐有力者。要說故具敘之。不說又慮闕用。

△疏二正明隨順。

如是等類。我皆於彼隨順而轉。△種種承事。種種供養。

撰述

卷之三

△如敬父母。如奉師長。及阿羅漢乃至如來等無有異。  
 △於諸病苦爲作良醫。於失道者示其正路。於暗夜中  
 爲作光明。於貧窮者令得伏藏。△菩薩如是平等饒益  
 一切衆生。

鈔隨順而轉者隨如上彼衆生生起觀智。故云轉  
 也。言如敬父母者如本生心地觀中說。父有慈恩。母  
 有悲恩。長養之恩彌於普天。憐愍之德廣大無比。世  
 間所高莫過山岳。悲母之恩踰於須彌。世間之重。大  
 地爲先。悲母之恩亦過於彼。若背恩不順。令其怨念  
 父母發惡子。卽隨墮世間之疾。莫過猛風。怨念之微

復過於彼。以百千種上妙供具。供養一百五通神仙。  
 一百淨行。一百善友。不如以微少物供養父母。校量  
 其福不可爲比。如須闍提太子。自割身肉供養父母。  
 行菩薩道。涅槃亦云供養父母得無量福。廣如經說。  
 言如奉師長者。生我者父母。成我者朋友。生我法身。  
 皆由師長乃至教誨引導直至菩提。阿羅漢者。梵語  
 翻就唐言。有其數義。今取三義。真諦三藏解云。阿羅  
 漢者。此云不生。謂不於三界煩惱之中。更受生死之  
 報。故云不生。二名應教。謂自學已滿。將已所證堪應  
 教人。故名應教。三名應供。善見律云。是人智斷具足。

撰述

華嚴經疏卷第十一

是勝福田。堪銷物供。能生大利。故名應供。具此等義。故以名焉。今言恒順還同於此也。如來可知。但以普賢行願之力。令觀行遍法界於如上種類衆生中。念念如此。以彼衆生有解會者。自需如上之益。言平等者。稱性普觀普益也。

△疏二徵釋二。一令佛喜。二徵。

何以故。

徵意云。但應順佛。何要順生。

△疏二釋。

菩薩若能隨順衆生。則爲隨順供養諸佛。△若於衆生

尊重承事。則爲尊重承事如來。△若令衆生生歡喜者。則令一切如來歡喜。

疏釋意云。若順衆生。則爲順佛。若不順生。佛不歡喜。

○鈔順生。則爲順佛者。此文既畧。更以海印之喻以明。如香水海。澄渟須彌。日月四天。天下中種種衆生。種種國土。居處。屋宅。皆於中現。若執此像。是有命之衆生。有質之世界。是乖像也。非唯乖像。亦乖海也。必須定知此像。一一具鹹溼之體。及不宿死屍等十種之德。華嚴經三十九卷說。海有十德。以況十地。一次第漸深。如初地出生大願。漸深故。二不受死屍。如二地。

不受破戒死屍故。三餘水入中沒名。如三地離世假名故。四普同一味。如四地與佛德同一味故。五有無量珍寶。如五地出生方便神通寶故。六無能至底。如六地觀察緣生甚深理故。七廣大無量。如七地廣大覺慧善觀察故。入大身所居。如入地示廣大莊嚴事故。九潮不過限。如九地深解行世實而不過限故。十普受大雨。如十地能受一切如來大法明雨無狀。足故始名順像。既順像也。始得名爲順海。海即如來。像即衆生。餘義昭然可見。故出現品云。佛子。譬如大海。普能印現四天下中一切衆生色身形像。是故共說。

以爲大海諸佛菩提亦復如是。普現一切衆生心念根性欲樂而無所現。是故經云。順生即是順佛。乃至尊重承事歡喜等。是故說名諸佛菩提也。

### △疏二增大悲二一徵。

何以故。

疏徵意云。生佛懸隔。何以順生諸佛歡喜。△二釋意云。佛以大悲而爲體性。若不順生。不合佛體。○鈔大悲而爲體性者。諸佛從因至果所作無不爲生。大悲般若常相輔翼。方名無住涅槃。故悲是體也。

### △疏文三。一法說。

撰述

華嚴經疏

卷三

諸佛如來以大悲心而爲體故。因於衆生而起大悲。因於大悲生菩提心。因菩提心成等正覺。

疏卽標示同體大悲。○鈔因於衆生至成等正覺者。大悲欲化衆生須學化生之智。智既圓矣。自名成佛。而菩提心必具大悲大願大智等也。所以言諸佛如來以大悲而爲體也。謂佛普賢攝化門中。普解一切。彌綸而不漏。稱之爲大。見諸衆生怕處生死五趣輪回。造衆惡因。受諸苦楚。如來愍傷。深加惻愴。是故名悲也。卽世間之悲。不得名大。出世之悲。方名爲大。出世中二乘之悲。不名爲大。佛菩薩悲。方名爲大也。謂

此大悲是衆行之首也。故理趣六波羅密經云。佛告慈氏菩薩摩訶薩。修行靜慮波羅密多。應當修習大悲無量。謂此大悲於諸善業而爲導首。譬如命根於出入息而爲其先。輪王七寶爲先。大乘萬行大悲爲先。譬如長者。唯有一子。父母憐念徹於骨髓。菩薩大悲亦復如是。於諸有情住於極愛一子之地。又此大悲能作方便。成辦一切助菩提法故。又此大悲能悟無師自然智故。又此大悲能除一切自心熱惱。隨順有情爲餽益故。是故如來以此爲體也。初標指經文中疏同體大悲者。如向所引海中萬像與海同體。佛

撰述

華嚴經疏序

卷五

菩提中衆生與菩提同體。法喻備矣。△疏故出現品云。如來成正覺時。普見一切衆生成正覺。乃至普見一切衆生入涅槃。皆同一性。△疏以了衆生皆無性。故大悲相續救護一切。○鈔二引教證成。疏出現品云至一切者。此簡要而引也。具云成正覺時於其身中普見等。次則如疏文所引。此但以佛爲門。故云於其身中。若以衆生爲門。卽佛於衆生中成。故出現品次下云。菩薩應知自心。念念常有佛成正覺。何以故。諸佛如來不離此心成正覺故。如自心。一切衆生心亦復如是。悉有如來成等正覺。廣大周遍。無有休息。

更引此文對前者以此門意明生佛交徹之義。故今文具也。

△疏二喻明。

譬如曠野沙碛之中。有大樹王。若根得水。枝葉華果悉皆繁茂。

疏生死懸絕。迥無所依。名爲曠野。不生善根。喻以沙碛。佛菩提法。如大樹王。智慧禪定。猶如枝葉。菩薩依學。況之以華。諸佛證此。目之爲果。一切衆生以爲其根。以大慈悲而爲其水。△疏水滋樹根。華果繁茂。悲念萬類。成佛果因。△疏合文備矣。○鈔譬如至備矣。

檢述

者問。經言譬。如曠野。法中如何。疏生死懸絕。迴無所依。名爲曠野。如何是沙磧。疏不生善根。喻以沙磧。如何是曠野。沙磧中樹。疏佛菩提法。如大樹王。言佛菩提法者。別指一切衆生本覺智體也。謂以真性隨諸妄緣。成諸染法。被煩惱覆蔽。無佛菩提之力用。故比沙磧中樹。此乃樹雖未生華果。而樹身非無。衆生雖未有佛菩提之力用。而本覺常在也。問。樹若生長。衆生悟修法中如何。疏智慧禪定。猶如枝葉。喻則從樹生枝。枝生於葉。法則從本覺起於始覺。始覺是慧。故如枝。既心初起。心無初相。則冥合一如。一如是定。故

如其葉。則因慧成定。慧先定後也。此約實教所說。故淨名經云。智慧是菩薩淨土。菩薩成佛時。正定衆生來生其國。不同小教。權乘先定然後發慧。然以入道由智。故云因慧成定理。實定慧齊修。無前無後。謂定能拔沉滯。慧能遏囂浮。慧能決斷簡擇。二法相扶能持萬行。最爲要極也。所以問明品云。譬如有力王率土。威震仰定慧。亦如是。菩薩所依賴。雖定慧最妙。要須頓達本源。方起定慧也。又須以定慧運於萬行。方能證果。問。樹有枝葉。以況定慧。於此枝葉轉生其華。以況何等。疏菩薩依學。況之以華。卽依於定慧而修。

撰述

華嚴經疏卷第十五

二四

萬行之華也。謂諸菩薩定慧既備洞達本源順理益生須行萬行所以依其定慧運於萬行之華也。問樹有華也後必有果萬行華敷以何爲果疏諸佛證此目之爲果卽喻如華熟方能結果法中萬行周圓方可證入成妙覺之尊也。問前文有大樹王若根得水枝葉華果悉皆繁茂如上所說總是枝葉華果法喻相對已竟如何是樹根何者爲水耶疏一切衆生而爲樹根以大慈悲而爲其水謂諸衆生雖皆各具有菩提樹根而不能發生者但以樹根恒時埋在麤澁生死煩惱砂中砂性乾燥都無沃潤之功何能令樹根發生滋榮是以諸佛菩薩起種種方便令諸衆生遠離麤惡煩惱砂中安住三寶最勝良田之內廣興慈悲之密雲普雨甘露之法雨方能滋潤菩提樹根令漸敷榮成熟大果也。問將衆生以況樹根指大慈悲猶如其水未審水益樹根有何功用慈悲攝生有何勝能耶疏水滋樹根華果繁茂悲念萬類成佛果因言成佛果因者意說慈悲是成佛果之因也。如水滋樹根是華果之因故前經云因於大悲生菩提心因菩提心成等正覺此因者若說因位中所起悲願則通與自他作其果因具二利故若於佛及得果不

撰述

華嚴經疏卷第十一流沙第五

捨因門。菩薩則但與他爲因。何以。自果已滿。唯利他故。若從喻至法委細推之者。應當先須分明見曠野中之樹身就樹根而灌水。先須分明悟生死中之覺體。就覺心而起悲。若不見樹也。遍曠野而虛灌。但益疲勞。畢竟不生華果。若不悟覺體也。遍生死而起悲。但益愛見。畢竟不證菩提。或見樹根而不灌。亦華果不生。或悟覺體而不修。亦菩提不證。勉旃求悟。不得徒自勞形。努力修行。不得撥無因果。斯文圓妙。諦而思之。

△疏三法合四一正合法。

生死曠野菩提樹王亦復如是。一切衆生而爲樹根。諸佛菩薩而爲華果。以大悲水饒益衆生。則能成就諸佛菩薩智慧華果。

疏畧不合枝葉。○鈔一正合。經云。一切衆生而爲樹根者。一切諸佛無不從迷而悟。從妄而真。淨名經云。煩惱卽菩提。又云。諸佛解脫。當於一切衆生心行中求。法句經云。塵勞諸佛種也。

疏一重徵釋。

何以故。若諸菩薩以大悲水饒益衆生。則能成就阿耨多羅三藐三菩提故。

撰述

華嚴經疏解卷第十五

○鈔重徵釋者。微意云。何以益生而成佛苦提智。豈不似與他飲食而已空甘飽耶。無此理也。答意難見。畧更分別。如何難見。以前文云。大悲益生成就菩提。此還云。大悲益生成就菩提。但似結前義。不仍通難。今此再出經意。令其顯然。經意通云。夫智慧圓滿成就者。必須自他無異。物我同如。見一切衆生皆是我覺心所現。故益他即是益我。生圓我智方圓。故却牒前語。生起義勢。云以大悲水饒益衆生。卽能成就阿耨菩提故也。更詳連次下兩節經文。斯意轉顯也。上釋同體之文。雖具明此義。緣要出此節經意。須更

用之。言阿耨多羅者。此云無上也。言二者。此云正對邪立名。所言藐者。此云等齊等義故。又言三者。此亦云正圓滿義故。言菩提者。此云覺。可貫上四處。應云無上覺。正覺等覺。並有所簡。所言正覺者。簡凡夫外道。彼邪覺故。言等覺者。簡二乘聖者。彼偏覺生空故。又云正覺者。簡十地聖人。分覺。空非正滿覺故。初言無上覺者。增勝而言。偏在法身。若通相論。二身如來。並無上覺故。具上四義。故得阿耨多羅三藐三菩提名也。

是故菩提屬於衆生。若無衆生。一切菩薩終不能成無上正覺。

鈔是故至正覺者。意明菩提屬於衆生。傷念滯權教執文字之流皆譏頓宗云。是佛境界。何關汝事。苦哉苦哉。今釋此一節有二義。一對緣釋。二觀心釋。對緣者如前文云。因於衆生而起大悲乃至成正覺等。二觀心者自有二意。一攀緣妄想即是衆生妄起即不覺。覺即無妄合於本覺。名爲成佛。二思惟觀察法義。此心念念生起亦是衆生必因此心念念推察方見正理。成智方證菩提。故云爾也。

### △疏四結示令知

善男子。汝於此義應如是解。以於衆生心平等故。則能成就圓滿大悲。以大悲心隨衆生故。則能成就供養。如來。

### △疏三總結無盡。

菩薩如是隨順衆生虛空界盡。衆生界盡。衆生業盡。衆生煩惱盡。我此隨順無有窮盡。念念相續無有間斷。身語意業無有疲厭。

### △疏第十普皆回向三牒名。

復次善男子。言普皆回向者。

△疏回謂回轉向謂趣向。回已修善向於三處。謂實際菩提及與衆生。△疏除狹劣障。生廣大善。○鈔回已修善至及與衆生者。然隨所向義有衆多。以類通收不出此三處也。或開爲十一回自向他。二回少向多。三回自因行向他因行。四回因向果。五回劣向勝。六回比向證。七回事向理。八回行布行向圓融。行九回世間向出世間。十回順理事向理所成事。十中初三衆生。次三及第九菩提。七八實際。第十通三。雖然開爲十。又合爲一。謂隨相離相。衆生菩提隨相。實際離相。或衆生隨相。菩提離相。實際非隨非離。然雖開合多端。此二闕一不可。故光明覺品云。若於一切智發生回向心。隨相也。見心無所生。離相也。當獲大名稱。回向也。若闕隨相則墮二乘。若闕離相則墮凡夫。隨相護二乘。離相護煩惱。據十回向品。卽有十名。一救護衆生。離衆生相回向。謂此菩薩修行六波羅蜜。四無量心。以此善根令一切衆生悉皆除滅三惡道苦。常以慈悲眼觀諸衆生。以此善根回向菩提實際。衆生心無所著。是名救護衆生離衆生相回向也。二不壞回向。謂此菩薩於諸佛法得不壞信。深入實義。集功德藏。行大惠施。心無所壞。是名不壞回向也。三

撰述

華嚴經疏解品號利疏卷之五

三六

等諸佛回向。謂此菩薩學過去未來現在一切諸佛回向見好惡色心無憎愛諸根清淨此得如是回向諸佛故云等諸佛回向也。四至一切處回向。謂此菩薩修諸善根令此善根功德之力遍至三世諸如來所及諸大衆以爲莊嚴於一念中充滿無邊世界。譬如實際遍滿一切是名至一切處回向也。五無盡功德藏回向。謂此菩薩得無盡法善根力回趣薩婆若海心淨如虛空不動如大地故云無盡功德藏回向也。六隨順大果堅固善根回向。此菩薩以四攝法四無量心善化衆生堅固不退以此善根回求大果是

名堅固回向也。七等心隨順一切衆生回向。此菩薩增長善根不可測量。閉惡趣門得心自在以此善根常求惠施。譬如有人盡未來劫常來求索。菩薩以平等心而惠施之心無厭倦是名等心隨順一切衆生回向也。八如相回向者此菩薩成就念智安住不動令諸衆生皆得安住諸功德法。菩薩如是心無所依以此善根同真如相回向利益一切衆生是名如相回向也。九無縛無著回向者此菩薩不捨一切善根恭敬合掌禮拜諸佛請轉法輪。菩薩以此無縛無著心回向大菩提果是名無縛無著回向也。十法界無

撰述

卷之三

盡回向者。此菩薩其足慈悲。能廣惠施饒益衆生。未曾休息。以此善根回求法界無量佛刹。是名法界無盡回向也。此十回向。總以無邊行海隨順大願爲宗。成就普賢法界德用爲趣也。疏除狹劣障成廣大善者。顯益及所爲也。心不回向。卽爲狹劣。以回向心。一毫之善。皆遍法界。故云廣大。如回聲入角。則遠聞。

△疏二釋相二一明所回善根。

從初禮拜乃至隨順所有功德。

卽前九門。△疏二正明回向。此中正明回向衆生。令成菩提。卽向菩提。盡於法界義同實際。○鈔正明回

向者釋此一段文爲二初廣釋義。後畧銷文。初中二先配三回向。後出要三所以。今初疏正明等者。正明向生。此經文顯也。言令成等者出經意含三也。所向衆生必願成菩提。盡法界下配實際。疏文亦顯。△疏所以要此三者。凡是菩薩必大悲下化。大智上求。而離衆生及菩提相。○鈔後所以下出要三所以也。於中三一具悲智離相故。二互相資故。三別開十類。初中下化故。向衆生上求故。故向菩提離此二種相故。向實際。又以菩薩善根必由衆生而成。是生之分故。還向彼善根必是菩提分法故。亦向彼二必離相故。向

撰述

華嚴經疏卷五

實際也。△疏又此三者其必相資一卽具三芳成其一。謂證實相須向衆生以化衆生成其自利斷障證真故亦向菩提速證菩提具一切智斷於二障方窮實際故。△疏餘二準思○鈔又此下互相資也。謂證實等者離色證空非真實際故以化生成自證也。亦向菩提者得菩提智方窮實際故以展轉相資也。餘一準思者二爲救衆生須向實際於惑自在方能化故淨名云若自有縛能解彼縛無有是處亦向菩提有智方能廣利故故佛地經云欲度衆生不離無障礙解脫智三爲得菩提故回向衆生不向衆生不

證果故亦向實際不證實際豈得菩提。△疏更以類取畧有十意謂依三法故滅三道故淨三聚故顯三佛性故成三寶會三身具三德得三菩提證三涅槃安住三種秘密藏故△疏言三法者卽體相用亦三般若△疏謂向實際者依於體法向菩提者依於相法向衆生者依於用法△疏餘九三法次第準知。鈔更以下別開十類於中二初標列後牒釋釋中分二先會釋初門後例顯餘九初文有二先標後釋且初標疏言三法者卽體相用亦三般若言三般若者謂真性般若觀炤般若資成般若此三名五般若中

撰述

聖經卷第十一

三

真性即實相觀昭名同資成即攝境界眷屬文字等三般若開即爲五合即成三後釋疏謂向實際下可知二例顯餘九疏餘九三法次第準知者卽準初三配向實際菩提衆生也謂二云滅三道故者見實際方能滅苦炤煩惱空卽得菩提回結縛業爲利生業等三淨三聚者謂向實際故律儀離過向菩提故廣攝衆善向衆生故卽是饒益有情也四顯三佛性者謂向實際正因向菩提了因向衆生者卽是緣因五成三寶者向實際成法寶向菩提成佛寶向衆生成同體僧寶六會三身者謂法報化七具三德者謂向

實際成斷德向菩提成智德向衆生成恩德八得三苦提者謂向實際得實相菩提向菩提得實智菩提向衆生得方便菩提菩提樹下示成佛故九證三涅槃者謂性淨涅槃圓淨涅槃方便淨涅槃薪盡火滅是也十安住三種秘密藏者由向實際則住法身佛以法爲身清淨如虛空故由向菩提能成般若菩提朗鑒居然炤極故由向衆生能成解脫自旣無縛令他解縛隨機應現亦無礙解脫也又此十內舉一爲首展轉相由也

△疏文二一離苦成善

撰述

聖嚴經行願品別行錄卷五

皆悉回向盡法界虛空界一切衆生。△願令衆生常得安樂無諸病苦。△欲行惡法皆悉不成。△所修善業皆速成就。△開閉一切諸惡趣門。△開示人天涅槃正路。疏願離苦成善乃至涅槃。○鈔皆悉回向至涅槃正路等者既普法界一時皆願則橫遍十方也。言常得等者則豎第三際也。

## △疏二發心代苦。

若諸衆生因其集積諸惡業故所感一切極重苦果。△我皆代受。△令彼衆生悉得解脫。△究竟成就無上菩提。

△疏苦由業生何能代之。△疏畧有七意。△疏一起悲意樂。自居凡境事未必能。△疏二修諸苦行後能與物爲增上緣。卽名爲代。△疏三留惑潤生受有苦身爲物說法。令不造惡因亡果喪卽名爲代。△疏四若見衆生造無間業當受大苦無異方便要須斷命自墮地獄令彼脫苦卽名爲代。△疏五由初發心常處惡趣乃至饑世身爲大魚卽名爲代。△疏六大願與苦皆同真性今以卽真之大願潛至卽真之苦。△疏七法界爲身自他無異衆生受苦卽是菩薩。○鈔若諸下發心代苦文中二一正明。二苦下徵釋於中

賀述

卷之三

三  
四

三一徵起二畧有下別釋。三上七下料簡二中云。一起悲等者。瑜伽四十九云。菩薩於世間修習哀愍意樂。及悲意樂爲利惡趣有情。誓處惡道如已舍宅。願身代受令彼惡業永不現行。由此悲願力故。一切惡趣諸煩惱品所有麁重於自所依皆得除遣。入初地故等。第一回向經云。佛子。菩薩摩訶薩見諸衆生造作惡業受諸重苦。以是障故。不見佛。不聞法。不識僧。便作是念。我當於彼諸惡道中。代諸衆生受種種苦。令其解脫。菩薩如是受苦毒時。轉更精勤。不捨不避。不驚不怖。不退不怯。無有疲厭。何以故。如其所願。決

欲荷負一切衆生令解脫故復作是念我所修行欲令衆生皆悉得成無上智王不爲自身而求解脫何以故我願救度一切衆生發菩提心不爲自身求無上道亦不爲求五欲境界及三有中種種樂故修苦薩行何以故世間之樂無非是苦也二修諸苦行等者菩薩本爲利生求法苦行已名爲代況因修行獲勝妙三業與物爲增上緣故名爲代也三留惑潤生受有苦身者留煩惱種潤生令受分段有苦身也謂二障中分別起者地前伏現行初地剎那斷種子其俱生中所知障隨地分斷煩惱則初地已去自在能

斷留故不斷潤生攝化故不墮二乘故爲斷所知障故爲得大菩提故。梁攝論云留惑至惑盡證佛一切智然凡夫卽以現惑潤業受生聖人不爾但留惑種用以受生以智禦用成勝行故不起過患猶如毒蛇以呪力禦既不令死亦不起過而成勝用然分段變易二種身五教不同小乘但有分段至究竟位佛亦同然是實非化始教七地已還有分段入地已上有變易終教則初地永斷一切煩惱使種少分分別俱生於智障中亦從一分地上更變易身問若不留惑云何大悲同事攝生答始教願智劣故留惑助願終

教苦薩願智勝故分留受生頓教行位既不可說所依身分亦然若圓教不說變易但分段以至於十地離垢定前至彼位得普見肉眼故知是分段也又善財以分段身窮於因位故也問何故此中不說變易答以此教不分生死麤細之相總就過患以爲一際若信滿稱性頓翻彼際卽分段便無障礙亦不易麤爲細故不說也故還源觀云衆生受執五蘊念念遷流名之爲苦菩薩教令了蘊空寂業從妄生止觀二門心無暫捨因亡果喪苦無由生但令不入三塗名爲普代受苦也四若見等者梁攝論第十一云若菩

撰述

卷之五

三

薩由如是方便勝智。行殺生等十事。無染濁過失。生無量福慧。速得無上菩提勝果。釋論曰。菩薩能知如此事。有人心應作無間等惡業。菩薩了知其心無別方便。可令離此惡行。唯有斷命。又知此人捨命必生善道。若不捨命。決行此業。長時受苦。菩薩念言。我必墮地獄。願我爲彼受此苦報。當令彼人現世受少輕苦。於未來世受大樂故。如良醫治病。先加輕苦。後除重疾。行盜姪等亦然。又報恩經云。菩薩知恩報恩。修大方便利益衆生。應識隨宜顯示方便。說過去無畏王如來滅後。正法之中有婆羅門子。聰明黠慧。受持

五戒受持正法。因有緣事。遠行餘國。五百人伴。前至巔路。五百群賊欲劫行伴。其中一人先與婆羅門子親善。先來告語。於初夜時。賊發汝密捨去。勿令伴知。婆羅門子聞已。譬如人喎。既不得咽。又不得吐。欲告語。伴懼畏。諸伴害此一人。伴墮惡道。若默然者。賊當害伴。賊墮惡道。思惟是已。卽便持刀斷此賊命。三惡道報是我所宜。衆伴皆言。卿是勝人。云何作惡。婆羅門子具說上事。諸伴發菩提心。群賊亦然。五由初等者。由菩薩初修正願。爲生受苦。至究竟位。願成自在。常居惡趣。救苦衆生。如地藏菩薩及現莊嚴王等。乃

撰述

聖經新約全書

卷五

至饑世身爲大魚。皆其類也。或放光焰燭。神力冥加。類非一也。△疏上七義中。初唯意樂。次二爲緣。次二實代。後一理觀。△疏然約有緣方能代爾。○鈔上七義下。第三料簡言然約有緣下。通伏難爲有問云。若依四五二義應能普代。何故猶有衆生受苦耶。故此答云。然約有緣方能代耳。準大經鈔更有二意。一業有定不定故。不定則可代。二若受苦有益。菩薩令受方能究竟得離故。如父母教子。付嚴師令治。如是審意非凡小能知也。

△疏三總結無盡。

菩薩如是所修回向虛空界盡。衆生界盡。衆生業盡。衆生煩惱盡。我此回向無有窮盡。念念相續無有間斷。身語意業無有疲厭。

△疏四結益令知。

善男子。是爲菩薩摩訶薩十種大願具足圓滿。△若諸菩薩於此大願隨順趣入。△則能成熟一切衆生。△則能隨順阿耨多羅三藐二菩提。△則能成滿普賢菩薩諸行願海。△是故善男子。汝於此義應如是知。

△疏二顯經勝德二。一校量聞經德。

若有善男子。善女人。

鈔第二顯經勝德分中。言善男子善女人者。求而言之有九。律儀言之有七。卽男三女四。男三者在家有一。卽五戒近事男也。出家有二。卽比丘及沙彌也。女四者在家有一。卽五戒近事女也。出家有三。卽比丘尼六法尼沙彌尼。故有七也。更兼有非受戒男子女人二般。故成九也。以此等九攝盡劫外劫內一切善男女也。

△以滿十方無量無邊不可說不可說佛刹極微塵數一切世界上妙七寶及諸天人最勝安樂。

鈔言七寶者真諦記中說諸寶類總有一百八種。舉

勝而言。七寶攝盡。一金。二銀。三珊瑚。四赤真珠。赤蟲所出。或體赤色。五末尼珠。卽如意珠也。六砗磲。其體如石。青白間色。七碼碯。此與阿彌陀經少異。可知。

△布施爾所一切世界所有衆生。△供養爾所一切世界諸佛菩薩。△經爾所佛刹極微塵數劫相續不斷。所得功德。△若復有人聞此願王一經於耳所有功德。△比前功德百分不及一千分不及一乃至優波尼沙陀分亦不及一。

△疏二顯餘衆行德二。一總明法行畧說功德。或復有人以深信心於此大願受持讀誦乃至書寫一

## 四句偈

疏總明法行也。總有十種。一書寫。二供養。三轉施。四聽聞。五披讀。六受持。七開示。八入諷誦。九思惟。十修習。  
 △疏今但有四。謂一受持。二讀。三誦。四書寫。兼前聽聞。唯舉五行。乃至二字。義攝所餘。○鈔言。一四句偈者。梵云鉢陁。正云跋那。此翻爲句。準婆沙論有其五種。今取五內處中句。卽八字爲一句也。卽當此間五字或四字句等。言偈者。梵語伽他。此翻爲頌。卽四句爲頌。言一四句者。取其最少。不過一四句也。又顯義團圓目之爲句。一義圓足名一四句也。各是一意。今

此意二云。若人受持此經。一四句偈便能除滅五無間業等也。先通明十種法行。言法行者。總有十種。如疏列名。一書寫者。有人爲重法。故常自書寫經典。二供養者。有人常以香花供養經法。三轉施者。有自解書寫施與他人轉讀。或自轉念。以此功德回施於他。四聽聞者。有人常在法會聽聞教法。五披讀者。有人常披覽教法對文而讀。六受持者。有人受持經典。恒不忘失。七開示者。有人自得義味。恒時開演曲示他人。八諷誦者。有人記憶文句。常自歌諷。千遍萬遍。九思惟者。有人聞教已思惟。義理生得慧解。十修習者。有

人自達教育。依法修行。此亦名十法師。於中一是人法師。能解義理。故法之師。餘九法卽師。此十法行辯中邊論頌云。書寫及供養施他聽披讀。受持及開演。諷誦與思修。則通而言之。謂受持大乘教法。入理之方便也。賢首大師所製華嚴三昧觀門。第四簡教門中假問云。衆生修行爲要受持聖教耶。爲要捨教耶。答有十類。一者自有衆生無識。懸捨聖言。師自愚心。復隨邪友違教修行。巧僞誑惑。此爲惡人也。二者又有衆生亦背聖教。以質直心。謂爲出要。勤修苦行。竟無所益。此上二人俱捨聖教。不依義理。三者唯誦聖教。稱性。約教修行。九者常持稱性之教。不捨不著。恒觀絕言之理。不弃不滯。此上五門。猶未究竟。十者尋教得實理。教無礙。常觀理而不礙教。常持教而不礙。

言不解義意。依傍聖教求名求利。違自所誦。亦名惡人。四者唯逐文句。不知義理。但以直心讀誦。雖無巧僞。亦無所益。此上二人俱不捨教。不得義理。如上四門。皆不可依。五者讀誦聖言。分知解行。多讀文句。少有修行。六者廣尋聖教。遍知解行。漸畧聖言。取意專修。七者受持得意。唯在修行。不復尋言。入者尋教得旨。知一切法無不稱性。是故於教亦不持捨。卽此言教稱性。約教修行。九者常持稱性之教。不捨不著。恒觀絕言之理。不弃不滯。此上五門。猶未究竟。十者尋教得實理。教無礙。常觀理而不礙教。常持教而不礙。

理此卽理教俱融合爲一觀方名究竟此上十門前四門全不可依次五門從淺至深隨根悟入然但是革凡成聖之方便猶未究竟唯第十門方爲究竟也。又賢首大師云受持大乘經須知五法一須明其文有五謂善知分段起盡前後相屬次第連合詮旨圓滿無增無減二解其事亦五謂說處說主徒衆請儀及知圓音所說三達其義亦五謂畧標綱要廣釋除疑警喻令解引事證成舉益勸學四得其意亦五謂令發大心觀真理伏煩惱慈悲救物勤修萬行五順其行自有五種一於前四門法行在身在心未曾暫

息二歷前四門以起勝心謂於前文教起難遭想於前事相起尊重心念佛難逢傷已薄祐於前義理起愛樂心於前意旨悲喜交集三受持正法謂於前文教書寫流通圖畫形相表佛法會撮畧意旨曲示行人四自行增謂親近善友繫念思惟五成無礙行謂得盲亡詮故不可守亡詮由教故不可捨是故於教生無守無捨行今此雖開爲十法行但是衆緣資成正助相兼總曰受持修習全依此者可爲圓因精勤不退皆證滿果自教至大唐古今有依法修學者靈通感瑞其類實繁具如華嚴傳五卷纂靈記兩卷所

撰述

聖經卷三

四二

說畧而言之。謂一書寫經。輝五色。卽後魏王延明。王元熙。英明博達。嘗以香和金寫經一百部。每部五香爲藏。七寶函盛。日夜清齋行道。卽放神光五色。炤燭庭宇。衆所咸覩。因而發心者不可計數也。楮香四達。僧德圓妙。統宗極修。一淨園種楮。鮮花香草雜之。每洗浴方入園溉。以香水楮生三載。香氣四達。後以爲紙寫經。纔書數行。每字皆放光明也。二供養瑞鳥。瑞華。僧法誠於藍谷造華嚴堂。畫七處九會。變相兼寫。此經專精供養。每有瑞鳥形色非常。噓華入室。炭達供養也。三轉施灌掌之水。尚拯生靈。僧彌伽多羅師。

撰述

華嚴經三寶疏卷之三

四三

却歸取經。辭涅槃僧。眇然履空而去。莫知所往。六受持煥若臨鏡。僧辯才事裕法師學華嚴經。久而不悟。淨室專精三年。乃夢普賢指授。覺後悉通。煥然猶如臨鏡也。七開示華梵通韻。宋朝三藏求那跋陀羅。天竺人。精華嚴來至此土。七百餘人請講。恨以華言未通。禮懾虔請。乃夢一人執劒持一人頭。刎却跋陀羅頭。安提來者。遂通唐言。講數十遍。故云通韻。人天共遵。魏朝勒那三藏。中天竺人。既至此土。華音又通。講華嚴經次。忽有一人。執笏形如天官。云天帝令請師。講華嚴經。都講維那。梵唄咸須同去。勒那曰。待講畢。

去得否。使云可爾。及講終。卽與都講等奄然卒於法座之上。人皆歎仰。神光入宇。法藏和尚字賢首。十七辭親。求法於太白山。後母病歸覲。時儼和尚於雲華寺講華嚴經。至中夜。忽見神光。炤燭庭宇。知有異人及明。過儼和尚。卽敬事之。深入華嚴旨趣也。良以一文之妙攝義無遺。故一偈之功能破地獄也。京兆人姓王。不得名。死被二人引至地獄。見一僧。云是地藏。令誦偈云。若人欲了知三世一切佛。應觀法界性。一切唯心造。遂得解脫。聲所至處。有受苦者。悉脫其苦。後一日却蘇。憶持此偈。向道俗說。諸德尋經方得知。

撰述

勸善錄卷之三

卷之三

是華嚴經夜摩天偈也。入諷誦。每舍舍利安。定郡樊玄智。依順和尚。誦華嚴經。每因誦經。口中頻獲舍利。前後數百粒也。適會神僧京兆苑律師。貞觀年初。宿瀾橋店。有一僧同。主人別房安下。飲酒啖肉。律師持戒精潔。勃然戒之。其僧餐了。以灰木噉口。誦華嚴經。俄終一軸。未滿五更。一部都畢。其律師入房。悲泣餓謝訖。至明。便乃分袂。不告名字。不知所至。九思惟。則無生入證。偈讚排空。卽解脫和尚。臺山佛光寺立精舍。讀華嚴經。依經作佛光觀。又求文殊得見。云何須禮我。可自悔責。後因自求。乃悟無生。遂欲廣禮諸佛。

證此因緣。感諸佛現。與說偈言。諸佛寂滅甚深法曠劫。修行今乃得。若能開曉此法眼。一切諸佛皆隨喜。又問寂滅之法。若爲可說。教人佛卽隱身。但有聲曰。方便智爲燈焰。見心境界。欲究真實法。一切無所見。十修習。海神聽而時雨霧霤。僧道英。亳州人。年至十二。親爲之娶。五年同居。全無世事。後因聽講華嚴經。乃出家。入太行山栢梯寺。修止觀。時年天旱。唯講華嚴。感二人。云是海神。來聽講經。遂令下雨。須臾霧霧也。天童迎而大水瀾漫。隋朝靈幹。講華嚴經。住興善寺。常作兜率。及華嚴觀。臨終之日。有天童來迎而不

隨去。云吾志在華藏矣。尋見大水瀰漫。蓮花滿中。乃忻然曰。此果吾願。遂與同住僧童真相別。別訖。奄然而逝也。

△速能除滅五無間業。△所有世間身心等病種種苦惱。乃至佛刹極微塵數一切惡業皆得消除。

鈔言五無間業者。梵云半左阿難他哩丁也哩野尼迦。云五無間。或云阿鼻盲。或云阿毘古譯云無擇。或云無間。具其四義。或五義也。一受生無間。二壽命無間。以無中天者三身量無間。以身遍滿故。四受苦無間。無等流處所故。五受報無間。以決定順生故。由具

上五義故名無間。隨造一業便招此報。所言五者。卽五逆罪。謂殺父害母。出佛身血。殺阿羅漢。破和合僧。此五隨犯一件。皆得逆罪。墮阿鼻獄。經一中劫受無間苦。故名五無間業。又此五逆有小大之異。上說五逆。猶是小逆。佛月藏經等名爲大逆。故彼第八云。但出一佛身血。得無間罪。尚不可。籌墮阿鼻獄。況出萬億佛身血者。終無有人說彼罪報。若有惱亂罵辱打縛爲我剃髮著袈裟片縷。不受禁戒及破戒者得罪。多彼。況持戒者。故名爲大。下偈中云極惡五無間也。又四重罪名近無間。其罪亦重。故名爲近。除普賢願。

招述

書寫經卷第十八

王及陀羅尼法威德力無能除滅也。言所有世間身  
心等病者依涅槃經說有二種。一者身病。二者心病。  
身病有五。一者因水。二者因風。三者因熱。四者雜病。  
五者客病。客病有四。一者非分強作。二者忘誤墮落。  
三者刀杖瓦石。四者鬼魅所著。二者心病亦有四種。  
一者踴躍。二者恐怖。三者憂愁。四者愚癡。復次善男  
子。身心之病凡有三種。一者業報。二者不得遠離。怨  
對。三者時節代謝生如是等因緣名字受分別病。因  
緣者風等諸病。名字者心悶肺脹。上氣咳逆。心驚下  
痢。受分別者頭痛目痛手足等痛。是名爲痛受所分。

別也。言種種苦惱者此有二種。一卽直指諸病有種  
種苦惱。二卽兼攝餘諸苦惱。謂諸所有逼迫等事也。  
△一切魔軍夜叉羅刹若鳩槃茶若毘舍闍若部多等  
飲血噉肉諸惡鬼神皆悉遠離。△或時發心親近守護  
疏畧說功德也。唯說離惡亦卽現報。鈔明魔鬼潛  
護中二義句。初明魔鬼遠離後顯發心守護初言魔  
者梵語具云魔羅此云殺者殺修行人智慧命故。此  
爲生死之根本也。畧說有四。一煩惱魔。是生死因。二  
天魔。是生死緣。三蘊魔。四處魔。是生死果。今言魔軍  
者卽天魔也。軍者衆也。卽下鬼神皆魔軍衆也。言夜

撰述

聖傳釋名原品別名疏卷五

又者此云猛捷卽捷疾也。羅刹者卽食血肉之鬼類也。海中有羅刹城人落其中多遭食啗也。鳩槃茶者此云守宮神亦云冬爪鬼以其陰囊似冬爪也。毘舍闍者噉精氣鬼餓鬼中此稍勝也。部多者此云大身鬼亦云自生鬼此類若從父母生者名日夜又若自生者名日部多飲血等者總舉諸類也皆悉遠離者後結遠離也亦卽現報者對生報後報以滿三也。

△疏二偏舉一行廣顯衆德二一舉一行

是故若人誦此願者

疏舉一例餘△疏二廣辯德具多勝德不出五果。

鈔不出五果者俱含顯相云異熟無記法有情有記生但是無覆無記故不通餘從善惡因所感各有情有記生又瑜伽云諸不善法於諸惡趣受異熟果善有漏法於諸善趣受異熟果等流似自因相似同類兼說自因又瑜伽三十八云習不善故樂住不善則不善法增長習善法故樂住善法則善法增長爲等流果或似先業後果隨轉此有二義後義果似於因卽此意也如殺生短命等前義卽後果之報如前世樂於殺生今還好殺等也離繫由慧盡離諸結縛名離繫果慧者擇也盡者滅也謂此擇滅離繫所顯故

撰述

華嚴經疏解卷第十一

十一

將擇滅釋離繫果。瑜伽論云。以道滅惑名離繫果。又諸異生以世俗道滅諸煩惱。不究竟故。非離繫果。若因彼力生是果。名士用。若法因彼力生。如因下地。加行力。上地有漏定生。然離繫名爲不生。由道力證得。亦得名爲不生。士用果也。除前有爲法。有爲增上果。謂有爲法生餘法。不障是增上果。故增上果唯有爲法。除前已生有爲之法。非增上果。謂果。望因。或俱或後。必無前果後因。故云除也。除此前後餘。諸有爲爲增上果。論云。增上之果也。又瑜伽云。若眼識等。是眼根增上果。乃至意識。是意根增上果。衆生身分不散。

不壞是命根。增上果。解云。眼等諸根。不障識。生身分。不壞不散。令不斷。命根皆以不障義。邊名增上果也。仔細詳意用之。問。士用增上何別。答。士用唯對作者。增上通對所餘。如匠所成。對能成匠。具得士用增上果名。對餘非匠。非匠非造。故非士用也。然上所引。是俱含根品。彼以六因成斯五果。非今所要。今但以誦普賢行願。一因自然具斯五果。此與諸宗有因同果。異如十地中同修五種十善。感果各殊。有因異果同。如此因及六因也。因果俱異。可以意得也。

△疏文三。一通明五果。一增上果。

撰述

華嚴經不原品行直金剛王

行於世間無有障礙。如空中月出於雲翳。△諸佛菩薩之所稱讚。△一切人天皆應禮敬。△一切衆生悉應供養。

疏增上果有增上用故。

△疏二等流果。

此善男子善得人身圓滿普賢所有功德。△不久當如普賢菩薩速得成就微妙色身具三十二大丈夫相。疏等流果亦滿普賢功德行故。○鈔言三十二相者。一足下平如奩底。二足下千幅輪。三足跟梵王頂。四手指纖長。五其身方直。六手足綱綈。七手足柔軟。八

節踝膚滿。九身毛上靡。十鹿王腨。十一其身圓滿。十二垂手過膝。十三頂有肉髻。十四無見頂。十五馬陰藏。十六皮膚細滑。十七身毛右旋。十八身紫金色。十九七處平滿。二十柔軟聲。二十一缺骨充滿。二十二師子上身。二十三臂肘膚纖。二十四齒白齊密。二十五四十齒。二十六得二牙。二十七師子頰。二十八口中上味。二十九廣長舌。三十梵螺聲。三十一目睫紺青。三十二眉間白毫相等。如是諸相。下自三賢菩薩作轉輪王雖圓明已有此相。乃至等覺猶經百劫修佛相好。應知皆自十善爲因。百福莊嚴方得成滿。言

據述

百福者。謂十善法具起百思。如一不殺有五思。謂離殺思。勸導思。讚美思。隨喜思。回向思。如是乃至不邪見亦爾。於一一相引布自身。必須前起五十思。乃引一相。後起五十思。以覆之前後合爲百思。名爲百福。百福具足方成一相。此名共因。如涅槃經師子吼品。如是三十二相。一一皆有別因。如彼經云。若有菩薩摩訶薩持戒不動施心不移安住實語。如須彌山。以是業緣得足下平如奩底。相若於父母師長乃至畜生。以如法財供養供給。以是業緣得足下千輻輪相。若不殺不盜於父母師長常生歡喜。以是業緣得成

三相。一手指纖長。二足跟長。三身方直等。若修四攝法攝取。有情得網縵指如白鵝王。父母師長若病疾時。自手洗拭捉持。按磨得手足柔軟。若持戒聞法。惠施無厭得二相。一節踝膚滿。二身毛上靡。若專心聽法演說。正教得鹿王腨相。於諸有情不生害心。飲食知足。常樂惠施。瞻病給藥。得身圓滿如尼俱律陁樹立。手過膝頂有肉髻。及無見頂。見怖畏者。爲作救護。見裸跣者。施與衣服。得馬陰藏相。親近智者。遠離愚人。善喜問答。掃治行路。得皮膚細軟。身毛右旋。若以衣服飲食卧具。醫藥香華燈明施人。得身金色常光。

1 2 3 4 5 6 7 8 9 10

撰述

聖嚴總經解說卷第五

五

炤耀。若行施時所珍之物能捨不吝。不觀福田及非  
福田得七處滿。於布施之時心不生疑。得柔軟聲。若  
如法求財。以用布施得缺骨平滿。師子上身臂肘膚  
纖遠離兩舌惡口。恚心得四十齒白齊密。於諸衆生  
修大慈悲。得二牙相當。常作是願。有來求者隨意給與。  
得師子頰。隨諸所須之食。悉皆與之。得味中上味。自  
修十善。兼以化人。得廣長舌。不煩彼短。不謗正法。得  
梵音聲。見彼怨憎。生於喜心。得目紺色。不隱他德。稱  
揚其善。得白毫相。如斯一一各別修之。方能滿足三  
十二相。今以普賢行願一因。卽能感此三十二相也。

△疏三異熟果

若生人天所在之處常居勝族。

疏異熟果乘因感果故。

△疏四士用果。

悉能破壞一切惡趣。△悉能遠離一切惡友。△悉能制伏一切外道。

疏士用果有善菩薩用故。

△疏五離繫果。

悉能解脫一切煩惱。如師子王摧伏群獸。△堪受一切衆生供養。

疏離繫累。入支聖道滅煩惱故。鈔言一切煩惱者謂根隨煩惱也。根本有六。一貪。二瞋。三無明。四慢。五疑。六不正見。開即爲十。開不正見爲五。一身見。二邊見。三邪見。四見取。五戒禁取。故開爲十。卽六通俱生。十分別起。是惑之根本。故名根本煩惱。二隨煩惱。有二十一。忿。二恨。三惱。四覆。五誑。六詭。七憍。八害。九嫉。十慳。十一無慚。十二無愧。十三不信。十四懈怠。十五放逸。十六昏沉。十七掉舉。十八失念。十九不正知。二十散亂。於中忿等十箇。名小隨。無慚愧二名中隨。不信等八名爲大隨。以隨根本惑勢力而起故。名隨煩惱也。

惱也亦通俱生分別。分別起者行相麤淺。入見卽除。俱生起者行相微細。至果方盡。總舉諸惑故云一切也。如師子王等者師子獸中之王。一吼之時衆獸潛伏。行願威神亦復如是。由茲行願正念現前乃至成佛永斷諸惡。故云如等。言入支聖道者。卽入正道也。謂正見。正思。惟正語。正業。正命。正精進。正念。正定。等入中正見。是道亦支。餘之七法。唯支非道。所以通云策勤。名正精進。順法錄心。名正義。名正思。惟無漏語業。名正語。無漏身業。名正業。身語無邪爲正命。如理策勤。名正精進。順法錄心。名正義。名正念。無漏三昧。名正定。入中正見。是道亦支。餘之七法。唯支非道。所以通云

撰述

華嚴經疏唐密宗金言卷三

正道者。一則解翻入邪。二則體是聖道故也。

△疏二別明淨土果。二、顯法功能。

又復是人臨命終時最後剎那。一切諸根悉皆散壞。一切親屬悉皆捨離。一切威勢悉皆退失。輔相大臣宮城內外象馬車乘珍寶伏藏。如是一切無復相隨。

鈔淨土果中釋文分二。先顯法功能。後別明勝果。前中經文義分爲三。先世果終失次此願不離後引生淨土。今初如但舍論通說。臨終之時有多般事。或惡業緣厚者。有斷末摩苦。然於身中有極少節解。便致死。是爲末摩苦。地水火風隨一增減。如利刀刃觸彼

未摩。因此便生增上苦受。業斯不久遂致命終。又復人間復有多種死相。或中他毒藥。或風病失音。或鬼神所錄。或懷胎艱難。或大水漂溺。或野火所燒。或惡獸傷殘。或無辜誅戮。或雷電霹靂。或戰陣敗亡。或王法臨刑。或冤家鋒刃。諸般捨壽難可具名。乃至諸天命將終位亦先有五種小衰相現。一者衣服出非法聲。二者自身光明忽然昧劣。三者於沐浴位水滯著身。四者本性囂馳今滯一境。五者眼本凝寂今數瞬動。此五相現定死不疑也。復有五種大衰相。一衣染塵垢。二華髮萎萃。三兩腋汗出。四鼻氣入身。五不樂。

撰述

華嚴經卷第廿五

卷四

本座此五相現必定應死。金光明經說人死之相云。  
 兩眼白色變。舌黑鼻梁欹。耳豎頸筋垂。下脣垂向下。  
 又涅槃云於醫人所不生恭敬心。於諸親友生荆棘  
 心。此是死相。如寶積經說最後捨壽之際。心極明了。  
 一切善惡皆悉現前。畏喜心生。即便往趣也。此即通  
 說一切死相。今誦持人。卽不爲彼如是惡相之所逼  
 迫也。二諸根散壞。三親屬捨離。四威勢退失。五一切  
 不隨文顯可知。

△唯此願王不相捨離。△於一切時引導其前。△一刹  
 那中即得往生極樂世界。

鈔此願不離義分爲三。一願王不離。二引導長時。三  
 得生極樂。言極樂世界者。謂其國衆生無有衆苦。但  
 受諸樂。故名極樂。或名安樂。亦名安養。卽阿彌陀佛  
 所依之國土。其國乃地瑩七珍池通八德風搖樹響。  
 與天樂以齊鳴。水激清波將法音而同韻。是以六方  
 調御金口稱揚。三世如來致心護念。總斯多義。故以  
 為名也。△疏謂報盡捨命。一切不隨。唯此願王引生  
 北淨土。△同無常經眷屬皆捨去。財貨任他將。但持自  
 善根。險道充食糧。

△疏二別明勝果。二正明化生。

撰述

龍藏經卷第十三

三

到已卽見阿彌陀佛。文殊師利菩薩。普賢菩薩。觀自在菩薩。彌勒菩薩等。△此諸菩薩色相端嚴功德具足。所共圍繞。△其人自見生蓮華中蒙佛授記。

疏亦異熟果乘此善因淨土生故。○鈔後別明勝果

分二。一。先正明化生。後得授記下。顯利生大用。初中經文分三。一。得見聖衆。二。顯聖德相。三。見生蒙記。初中言阿彌陀佛者。此云無量壽。由二義故名阿彌陀。一光明無量故。二壽命無量故。故阿彌陀經云。彼佛何故號阿彌陀。彼佛光明無量無邊。照十方國無所障礙。是故號爲阿彌陀。彼佛壽命及其人民無量無邊。

阿僧祇劫故名阿彌陀。由昔因中大願光明與壽俱無量故。故以名焉。故大無量壽經云。設我得佛光明有限。下至不炤百千億那由他諸佛國者。不取正覺。又云。若我成佛壽量有限。下至億那由他百千及等數劫者。不取菩提。璘云。阿彌陀者六十萬億那庾多恒河沙。由旬是其身。無量無邊不可思議。阿僧祇劫是其壽。日澄四海。毫曠五山。光明無涯。眷屬不知數。足不行而十方遍。口不言。百舌類聞。左侍觀音。右翼勢至。國有十善。土無三惡。一稱名字。滅殃罪八十一億劫。一禮形像。獲相好八萬四千。舉手低頭。無非是

益也。文殊師利者總有四翻。正法華名溥首有經名濡首。正云妙德。或云妙吉祥。以其降生時有十種奇瑞故。一光明滿室。二甘露盈庭。三地湧七珍。四神開伏藏。五鷄生鳳子。六猪誕龍胎。七馬產驥駢。八牛生白澤。九舍盈金粟。十象生六牙。有斯徵瑞名妙吉祥也。又悲華經說過去寶藏佛時爲無諍念王第三子。名曰帝衆。佛前願取妙淨土。佛言汝自發願取妙淨土。我今號汝爲文殊師利。此表淨土諸吉祥事其來久矣。今助佛導化。示生舍衛多羅聚落。爲梵德婆羅門子。香山云德妙而十方普現。道尊爲諸佛所師。昔度五百仙人。韜光雪嶺。今與一萬菩薩見住涼山。廣如大經等說也。昔賢可知。言觀自在菩薩者。解釋絕多。嘉祥云。謂於六根門中而得自在。故以名焉。慈恩就三業解。三業歸向。必六通赴緣。攝利難思。名觀自在也。賢首就悲智解。謂於理事無礙之境。觀達自在。又觀機往救。自在無礙。故以名焉。又諸菩薩至入地中。得十自在。在一命自在。於不可說劫住壽命故。二心自在。智慧能入無數三昧故。三資具自在。能以無量莊嚴一切世界故。四業自在。隨時受報故。五受生自在。於一切世界示現受生故。六緣自在。於一切世界

擦述

聖經新約全書

見佛充滿故。七願自在。隨欲隨時受報故。於諸刹中成正覺故。八神力自在。示現一切大神變故。九法自在。示現無邊諸法門故。十智自在。於念念中。示現如來十力無畏成正覺故。第五十五說得是自在故。以爲名言。彌勒者此云慈氏。如慈心因緣經說。乃往過去無量無邊阿僧祇時。有世界名勝華敷。佛號彌勒。恒以慈心四無量法教化一切。時有婆羅門名一切智光。具六十四能。多知博達。聞佛說經。卽生難詰。不能屈伏。便發信心。而發願言。願持此經。必得成佛號。曰彌勒。卽捨家入山。經八千歲。常持彼經。常習慈行。

又於過去與釋迦同於弗沙佛所。發菩提心。常習慈定。自是已來。常號彌勒。亦名阿逸多。此曰無能勝。大慈善根無能勝故。爲波羅奈國輔相之子。身紫金色。有三十二相。香山云。莊嚴淨國而度有情。起道乃先於釋迦。降跡猶當於補處。哀吾師遺法弟子。恐更沉輪。龍華三會之時。皆垂度脫。今卽示居覩史引導。間浮深慈重恩。永劫寧報。善財遇之。得解脫門。名曰入三世。一切境界不忘念。智莊嚴藏也。問生極樂國。得見阿彌陀佛。觀自在菩薩。其事必爾。又普賢身卽淨法界身。一切佛體得見。無妨。其文殊彌勒在此婆婆。

一概述

聖經卷之三

今言徃彼。又云得見爲同異耶。答此有二義。一卽體異名同。如說壽經時。西方亦有無量壽佛等同讚。故知但是名同體別異也。二云是同非異。何以如文殊師利佛道父母大權應現助佛揚化遍周法界現種種身利樂群品。如彌勒爲善財說文殊師利最勝大願非餘無量百千那由他等菩薩之所能有。又言文殊師利其行廣大無量無邊。其願無際相續不斷。常能出生一切菩薩最勝功德。常爲無量菩薩之師。令其勤修深證入故。普於十方常轉法輪教化成熟一切衆生。常於十方一切世界爲說法師。常爲不可說。

不可說一切諸佛大會衆中之所讚歎也。彌勒菩薩如大經說云。成就一切遍趣行。故於諸生處而得自在。又言我身普生一切法界。一切衆生顯示道相。殊異言音。種種名號。種種欲樂。種種威儀。隨順世間教化調伏。顯不衆生清淨受生。隨順趣入一切衆生甚深勝解。一切菩薩大願受化。如是等無量所顯而現其身。種種相貌種種威德。充滿法界。爲欲成熟徃昔同行退失菩提者。示現於此闍浮提中。又爲成熟兜率天中同行天。故令知諸天盛必衰故。爲欲示現降生瑞相。教化成熟釋迦如來所遣來者。令如蓮華悉

開悟故於此處沒生兜率天等。故知是同非異也。或可名同體異亦無妨也。言等者等取諸餘新賢舊聖及常隨侍諸菩薩等。故阿彌陀經云其國中多有一生補處。其數甚多。非是筭數所能知之。但可以無量無邊阿僧祇劫說等。但生彼國無不皆見也。二顯聖德相。三見生蒙記可知。

△疏二利生大用。

得授記已。△經於無數百千萬億那由他劫。△普於十方不可說不可說世界。△以智慧力隨衆生心而爲利益。

疏亦士用果。鉢後明利生大用中。二先明得記。後顯利生。利生文中分三。初標利生時。次顯利生處。後正明利生。上來有二。先正明化生。後顯利生大用。總是別明勝果。前來有二。先顯法功能。後別明勝果。總是明淨土果訖。

△疏三究竟成佛果。

不久當坐菩提道場。降伏魔軍。成等正覺。△轉妙法輪能令佛利極微塵數世界衆生發菩提心。隨其根性教化成熟。乃至盡於未來劫海廣能利益一切衆生。

△疏亦離繫果。究竟離故。△然前段中。初一現報果。

今此成佛卽後報果中間諸果皆是生報。△唯誦一行五果具足三報昭彰終至菩提于何不習。鈔自下第三究竟成佛果有二先銷經文後釋疏文前文六一身坐道場二降魔成佛三傳法利生四令衆發心五隨機成熟六廣益無盡初中坐者如大經說苦薩摩訶薩有十種坐所謂轉輪王坐與十善道故。四天王坐於一切世間自在安立佛法故帝釋坐與一切衆生爲勝主故梵天坐於自他心得自在故師子坐能說法故正法坐以總持辯才力而開示故堅固坐誓願究竟故大慈坐令惡衆生悉歡喜故大悲坐。

忍一切苦不疲厭故金剛坐降伏衆魔及外道故是爲十坐若諸菩薩安住此法則得如來無上正覺坐餘如下偈中述。

△疏三結勸受持三一結前勝德。

善男子彼諸衆生若聞若信此大願王受持讀誦廣爲人說所有功德除佛世尊餘無知者。

疏上猶畧歎今說無盡

△疏二正明勸持。

是故汝等聞此願王莫生疑惑應當諦受受已能讀讀已能誦誦已能持乃至書寫廣爲人說。

## 疏通十法行。

△疏三重舉勝德。

是諸人等於一念中。所有行願皆得成就。△所獲福聚無量無邊。△能於煩惱大苦海中。拔濟衆生令其出離。皆得往生阿彌陀佛極樂世界。

△疏殷勤頌德意在勸持。△然此經一卷文少義豐。實修行之玄樞。乃華嚴之幽鍵。功高德遠何不修持。西城王臣未有不習。鈔大文第三善男子彼諸衆生下。結勸受持分。文二先標分後釋解。三段如疏文顯可知。重舉德中。經言皆得往生等者自此詣彼名

之爲往也。準十六觀經說。往生之人總有九品。隨其品類隨其行業方得往生。言九品者。一上品上生。發二種心。謂菩提心等。又有二種。一者慈心不殺。具諸戒行。二者讀誦大乘方等經典。二者修行六念回向。發願。具此一日乃至七日壽尊與。菩薩無數化佛聲聞大眾。執金剛臺至行者前授手迎接。纔生彼國。卽悟無生。須臾至十方界。名上品上生。二上品中生。謂於第一義心不驚動。深信因果。不謗大乘。壽尊與二菩薩持紫金臺至行者前。與千化佛一時授手。一念生彼大寶華中。經宿卽開。七日便得菩提不退。飛

撰述

唐廣德元年正月廿五日

行十方。名上品中生。二上品下生。亦信不謗。但發大菩提心。臨終見佛與二菩薩持金蓮華五百化佛。一時授手。一日一夜蓮華乃開。至七日後即得見佛。三七日後遊歷十方。蒙佛授記。名上品下生。四中品上生。不造五逆持五八戒。臨終見佛讚歎出家得離衆苦。便坐華臺。未舉頭頸。卽生淨土。蓮華尋開。得阿羅漢果。名中品上生。五中品中生。受持入戒。若一晝夜持沙彌戒。若具足戒。威儀無缺。臨終見佛慰喻往生。七日華開得預流果。六中品下生。孝養父母。行世仁慈。遇人爲說佛生功德及法藏比丘四十八願。雖不見佛命終亦生。七日華開亦得預流果。七下品上生。雖不謗經。如此愚人多造惡業。無有慙愧。臨終聞讚大乘十二部經文。復稱佛號。化佛慰喻。卽得往生。經七七日華開見聖。聞甚深法。八下品中生。毀犯衆戒。偷僧祇物。不淨說法。無有慙愧。諸惡嚴身。臨命終時獄火俱至。遇善知識爲說如來十力威德光明神力。及戒定慧解脫解脫知見。聞已除滅八十億劫生死重罪。火變涼風。化佛迎接。一念往生。六劫華開。發無上道意。九下品下生。五逆十惡。具諸不善。應墮惡道。受苦無窮。臨終苦逼。不遑念佛。但稱名號令聲不絕。

撰述

具足十念。命終之後。見金蓮華一念往生。滿十二劫。  
花開得聞諸法實相。除滅罪行。發無上道意。是卽九  
品往生。各各須具多種功德方得往生也。又如大藏  
中有百餘本。或經或論說修彼因。莫非勤積方得生  
彼。今唯誦經一行。一剎那中便得往生。蒙佛授記。甚  
爲奇妙也。疏言豐者多也。樞謂樞機鍵卽開鍵。餘文  
可知也。

大方廣佛華嚴經普賢行願品別行疏鈔卷第五



60

1

2

3

4

5

6

7

8

9

70

1

2

3

4

5

6

7

8

9

80

1

2

3

4

5

6

7

8

9

60

1

2

3

4

5

6

7

8

9

60

七

二